



მუშათა და გლეხთა მთავრობის

# კანონთა და განკარგულებათა კრებული

სახალხო კომისართა საბჭოს და ეკონომიური საბჭოს  
სამშეთა მმართველობის გამოცემა

1934 წ. მაისის 10.

№ 5

მ.წ.ი.ს.ი.

## შ ი ნ ა კ ს ი

სახელმწიფო წესწესებები

ვაქრობა. მომარაგება.

51. ცაგერის, ზემო-სვანეთის, ჩოხატაურის და ოზურგეთის რაიონებში ახალი სასოფლო საბჭოების დაარსების შესახებ.

57. კოლექტიური მეურნეობებისა და ერთპიროვნული მეურნეობების მიერ 1934 წლის მოსავლიდან სახელმწიფოსათვის მარცვლეულის სავალდებულო ჩაბარების შესახებ.

სახალხო მეურნეობის საერთო საკითხები.

58. ნავთსაბოთით მომარაგების სფეროში სამომხმარებლო კოოპერაციის სისტემის სადარგო შენაერთი „საქსაბოთის“ მიმართ განსაზოგადებული სექტორის ორგანიზაციების დავალიანების ლიკვიდაციისათვის საჭირო ღონისძიებათა შესახებ.

52. საქართველოს სსრ ეკონომიურ საბჭოსთან არსებული სასტანდარტიზაციო კომიტეტის დებულების გაუქმების შესახებ.

სამოქალაქო სამართალი.

ტრანსპორტი.

53. „სავაჭრო-სამრეწველო და სასაწყობო საჭიროებისათვის შენობებისა, სადგომებისა და მიწის ნაკვეთების იჯარით გაცემის პირობების და წესის თაობაზე“ გამოცემული 1931 წ. აპრილის 29-ის დადგენილების შეცვლის შესახებ.

59. საავტოტრანსპორტო საწარმოებისათვის სატვირთო და სამგზავრო გადაზიდვა-გადაყვანებისათვის სასყიდლის გადახდევების აკრძალვის შესახებ, რაც აღუმატება საქართველოს სსრ გზატკეცილებისა, ყამირგზებისა და საავტომობილო ტრანსპორტის სამმართველოს მიერ სტრუქტურული საუწყებათა შორის სატარიფო თათბირის მიერ დამტკიცებულ ტარიფს.

მიწა, ტყე, წყალი. სოფლის მეურნეობა

კოშუნალური და საბინაო მეურნეობა.

54. 1934 წლის გაზაფხულზე მოსალოდნელ წყალდიდობასთან ბრძოლის ღონისძიებათა შესახებ.

60. საბინაო-საიჯარო კოოპერატივებისა და საბინაო ამხანაგობების სახლებში მცხოვრებ პირებზე, რომელნიც ამ კოოპერატივების და ამხანაგობების წევრნი არ არიან, წევრებისათვის დაკისრებულ ვალდებულებათა და ხარჯთა გავრცელების შესახებ.

55. 1934 წლის საგაზაფხულო სასოფლო-სამეურნეო კამპანიისათვის მუშა-პირუტყვის მომზადების შესახებ.

56. ციტრუსოვანი კულტურების დარგში მუშაობის 1934 წლის გეგმის შესახებ.



61. სახელოსნოებად სადგომების დაქირავების სფეროში შინამრეწველთა და ხელოსანთათვის არსებული შეღავათების 1934 წლის დეკემბრის 31-მდე განგრძობის შესახებ.

საყოფაცხოვრებო მშენებლობის საქირავებისათვის დადგენილი გამოსაღებით კალმქორი მეთურნობებისა და ერთპიროვნული საგლეხო მეთურნობების დაბეგვრის შესახებ.

**ფინანსები.**

**შ რ ო მ ა .**

62. 1934 წელს საბინაო და კულტურულ-საყოფაცხოვრებო მშენებლობის საქირავებისათვის დადგენილი გამოსაღებით მუშების და მოსამსახურეებისა და სწვა, არა სასოფლო მეთურნობის მწარმოებელი, მოსახლეობის დაბეგვრის შესახებ.

64. საქართველოს სსრ შრომა-გასწორების დაწესებულებებში სამსახურის წესდების მე-19 მუხლის 1-ლი ნაწილის შეცვლის შესახებ.

**სისხლის სამართალი.**

63. 1934 წელს საბინაო და კულტურულ-

65. სისხლის სამართლის კოდექსის 143<sup>1</sup> მუხლის შეცვლის შესახებ.

**სახელმწიფო წყობილება**

**51. დადგენილება ც.ა.კ.**

**ცაგერის, ზემო-ხვანეთის, ჩოხატაურის და ოზურგეთის რაიონებში ახალი სასოფლო საბჭოების დაარსების შესახებ.**

სრულიად საქართველოს ცენტრალური აღმასრულებელი კომიტეტი ადგენს: დაარსებულ იქნეს შემდეგი ახალი სასოფლო საბჭოები:

**1. ცაგერის რაიონში:**

ა) შუა-აღვის სასოფლო საბჭო, ცენტრით სოფ. შუა-აღვში, და მიეკუთვნოს მას სოფლები: ზედა-აღვი, შუა-აღვი, ქვემო-აღვი, კენაში და სანორჩო, რომლებიც გამოიყოს ნაკურალეშის სასოფლო საბჭოს სოფლების შედგენილობიდან;

ბ) უსახელოს სასოფლო საბჭო, ცენტრით სოფ. უსახელოში, და მიეკუთვნოს მას სოფლები: სპათაგორი, უსახელო და ხოჯი, რომლებიც გამოიყოს ორბელის სასოფლო საბჭოს შედგენილობიდან;

გ) ქულბაქის სასოფლო საბჭო, ცენტრით სოფ. ქულბაქში, და მიეკუთვნოს მას სოფლები: ქულბაქი და ჩქუში, რომლებიც გამოიყოს წიფერჩის სასოფლო საბჭოს სოფლების შედგენილობიდან;

დ) საირმის სასოფლო საბჭო, რომელსაც მიეკუთვნოს სოფ. საირმე—ალპანის სასოფლო საბჭოს სოფლების შედგენილობიდან;

ე) მახაშის სასოფლო საბჭო, რომელსაც მიეკუთვნოს სოფ. მახაში დეხვირის სასოფლო საბჭოს სოფლების შედგენილობიდან.

**2. ზემო-ხვანეთის რაიონში:**

ლენეერის სასოფლო საბჭო, ცენტრით სოფ. ლემსიაში, და მიეკუთვნოს მას სოფლები: ლაშთხერი, ლემსია, ნესგულდი, სოლი და ქვაშეთი, რომლებიც გამოიყოს მესტიის სასოფლო საბჭოს სოფლების შედგენილობიდან;

### 3. ჩოხატაურის რაიონში:

ა) გორა-ბერეკოულს სასოფლო საბჭო, ცენტრით სოფ. გორა-ბერეკოული-ში, და მიეკუთვნოს მას სოფლები: გორა-ბერეკოული და გუთური, რომლებიც გამოიყოს ჩოხატაურის სასოფლო საბჭოს შედგენილობიდან;

ბ) სამების სასოფლო საბჭო და მიეკუთვნოს მას სოფ. სამება, რომელიც გამოიყოს განახლების სასოფლო საბჭოს სოფლების შედგენილობიდან;

გ) შუა-განახლების სასოფლო საბჭო, ცენტრით სოფ. შუა-განახლებაში, და მიეკუთვნოს მას სოფლები: ზემო-განახლება და შუა-განახლება, რომლებიც გამოიყოს განახლების სასოფლო საბჭოს სოფლების შედგენილობიდან;

### 4. ოზურგეთის რაიონში:

ა) მთის-პირის სასოფლო საბჭო, ცენტრით სოფ. მთის-პირში, და მიეკუთვნოს მას სოფლები: ვანის ქედი, მთის პირი, ოქროს ქედი და უნახავა, რომლებიც გამოიყოს ასკანის სასოფლო საბჭოს სოფლების შედგენილობიდან;

ბ) ვაკის-ჯვრის სასოფლო საბჭო, ცენტრით სოფ. ვაკის-ჯვარში, და მიეკუთვნოს მას სოფლები: ზემო-ვაკის-ჯვარი და ზემო-ბაღდადი—ცხემლის-ხიდის სასოფლო საბჭოს სოფლების შედგენილობიდან და სოფ. თამფალეთი და ქვემო-ვაკის-ჯვარი—ბახვის სასოფლო საბჭოს სოფლების შედგენილობიდან;

გ) გაღმა-მელექედურის სასოფლო საბჭო, ცენტრით სოფ. გაღმა-მელექედურში, და მიეკუთვნოს მას სოფლები: გაღმა-მელექედური და გამოღმა-მელექედური, რომლებიც გამოიყოს ოზურგეთის სასოფლო საბჭოს სოფლების შედგენილობიდან.

სრ. საქ. ც. ა. კ-ის თავმჯდომარე ფ. მახარაძე.

სრ. საქ. ც. ა. კ-ის მდივანი თ. უღენტი.

1934 წ. იანვრის 19.

ტფილისი.

## სახალხო მეთურეობის საერთო საკითხები

### 52. დადგენილება ს.კ.ს.

საქართველოს სსრ ეკონომიურ საბჭოსთან არსებული სასტანდარტიზაციო კომიტეტის დებულების გაუქმების შესახებ.

სსრ კავშირის სახალხო კომისართა საბჭოს 1933 წ. იანვრის 17-ის დადგენილებით დამტკიცებული სტანდარტიზაციის ორგანოების დებულების მე-III კარის შესაბამისად (სსრკ კან. კრ. 1933 წ. 39 №-ი, მუხ. 235), საქართველოს სსრ სახალხო კომისართა საბჭო ადგენს:

საქართველოს სსრ სახალხო კომისართა საბჭოს 1933 წ. აპრილის 27-ის დადგენილებით დამტკიცებული საქართველოს სსრ ეკონომიურ საბჭოსთან არსებული სასტანდარტიზაციო კომიტეტის დებულება (საქ. სსრ კან. კრ. 1933 წ. მე-12 №-ი, მუხ. 150) გაუქმებულ იქნეს.

საქ. სსრ ს.კ.ს-ის თავმჯდომარის მოადგ. ა. უფიკაშვილი.

საქ. სსრ ს.კ.ს-ის საქმეთა მმართველის მოადგ. გ. თათიშვილი.

1934 წ. იანვრის 31.

ტფილისი.

## სამოქალაქო სამართალი

## 53. დადგენილება ს.კ.ს.

„სავაჭრო-სამრეწველო და სასაწყობო საქიროებისათვის შენობებისა, სადგომებისა და მიწის ნაკვეთების იჯარით გაცემის პირობების და წესის თაობაზე“ გამოცემული 1931 წ. აპრილის 29-ის დადგენილების შეცვლის შესახებ.

საქართველოს სსრ სახალხო კომისართა საბჭო აღგენს:

## I.

საქართველოს სსრ სახალხო კომისართა საბჭოს 1931 წ. აპრილის 29-ის დადგენილებაში „სავაჭრო-სამრეწველო და სასაწყობო საქიროებისათვის შენობებისა, სადგომების და მიწის ნაკვეთების იჯარით გაცემის პირობების და წესის შესახებ“ (საქ. სსრ კან. კრ. 1931 წ. მე-13 №-ი, მუხ. 151; 1933 წ. მე-10 №-ი, მუხ. 139) შეტანილ იქნეს შემდეგი ცვლილება:

1. მე-3 მუხლი მიღებულ იქნეს შემდეგი რედაქციით:

„3. შენობისა და სადგომის სააღნაგო (სააღმდგენო) ღირებულება განისაზღვრება შენობის კუბატურის მიხედვით, საინვენტარიზაციო შეფასების თანახმად. უკეთეს ინვენტარიზაცია არ მომხდარა, შენობისა და სადგომის სააღნაგო ღირებულება განისაზღვრება მისი კუბატურის კვალობაზე, ხოლო, ამასთანავე, ეს ღირებულება არ უნდა აღემატებოდეს სათანადო საამშენებლო ღირებულებას, რაც დამტკიცებულია სათანადო ორგანოების მიერ ახალი კაპიტალური მშენებლობისათვის“.

2. მე-4 მუხლი და მისი შენიშვნა მიღებულ იქნეს შემდეგი რედაქციით:

„4. დაწესებულ იქნეს განსაზოგადოებული სექტორის საწარმოთა მიერ დაქერილი სავაჭრო-სამრეწველო და სასაწყობო სადგომების საიჯარო განაკვეთების ძირითადი ტარიფის შემდეგი მინიმალური მონაკლები:

ა) სამომხმარებლო კოოპერაციის სისტემის ორგანიზაციებისათვის—10%;

ბ) „სახვაჭრობის“ სისტემის ორგანიზაციებისათვის—10%;

გ) წიგნების გამომცემლობისა და წიგნების ვაჭრობისათვის—25%;

დ) აფთიაქებისათვის—25%;

ე) იმ საწარმოთა და ორგანიზაციებისათვის, რომელნიც ანხორციელებენ პურის წარმოებას და ვაჭრობას, მუშათა დახურული კოოპერატივებისათვის და მუშათა მომარაგების განყოფილებებისათვის—15%.

შენიშვნა. კოოპერირებული და არაკოოპერირებული შინამრეწველებისა და ხელოსნების მიერ სახელოსნოებად დაქერილი სადგომების ქირისათვის ძალაში რჩება 1935 წ. იანვრის 1-მდე საქართველოს სსრ სახალხო კომისართა საბჭოს მიერ „სარეწაო კოოპერატიული არტელებისა და ამხანაგობების და აგრეთვე შინამრეწველებისა და ხელოსნებისათვის სადგომების დაქირავების შეღავათების შესახებ“ გამოცემული 1932 წ.



ნომბრის 15-ის დადგენილების 1-ლი მუხლის „გ“ პუნქტის მოქმედება (საქ. სსრ კან. კრ. 1932 წ. 24 №-ი, მუხ. 247).

## II.

დადგენილება ესე შემოღებულ იქნეს სამოქმედოდ 1934 წლის იანვრის 1-დან, და წინადადება მიეცეს საქალაქო საბჭოებსა და სარაიონო აღმასრულებელ კომიტეტებს—შეთანხმონ ამა დადგენილებას სავაჭრო-სამრეწველო და სასაწყობო სადგომების საიჯარო ქირის ტარიფები—ისე, რომ ეს ტარიფები სამომხმარებლო, სარეწაო და საინვალიდო კოოპერაციისა და „სახვაჭრობის“ ორგანიზაციებისათვის არ აღემატებოდეს 1932 წელს ფაქტიურად მოქმედ ტარიფებს (იმ ცვლილებით, რაც შეტანილია ამ წლის განმავლობაში).

## III.

მიენდოს საქართველოს სსრ შედგენილობაში შემავალი ავტონომიური რესპუბლიკებისა და ავტონომიური ოლქის ცენტრალურ აღმასრულებელ კომიტეტებს—უზრუნველყონ ამა დადგენილების განხორციელება ამ რესპუბლიკებისა და ოლქის ტერიტორიაზე.

საქ. სსრ ს.კ.ს.-ის თავმჯდომარის მოადგ. ა. უფუკაშვილი.

საქ. სსრ ს.კ.ს.-ის საქმეთა მმართველის მოადგ. გ. თათიშვილი.

1934 წ. თებერვლის 8.

ტფილისი.

## მიწა, ტყე, წყალი, სოფლის მეურნეობა

### 54. დადგენილება ს.კ.ს.

1934 წლის გაზაფხულზე მოსალოდნელ წყალდიდობასთან ბრძოლის ღონისძიებათა შესახებ.

მიმდინარე წლის გაზაფხულზე მოსალოდნელი წყალდიდობის გამო, რაც საქართველოს სსრ სახალხო მეურნეობისათვის დიდ საფრთხეს წარმოადგენს, საქართველოს სსრ სახალხო კომისართა საბჭო აღდგენს:

1. მოწყობილ იქნეს საქართველოს სსრ სახალხო კომისართა საბჭოსთან საგანგებო კომისია წყალდიდობასთან ბრძოლისათვის საქართველოს სსრ სახელმწიფო პოლიტიკური სამმართველოს თავმჯდომარის თავმჯდომარეობით და საქართველოს სსრ მიწათმოქმედების სახალხო კომისიისა, საქართველოს სსრ წყალთა მეურნეობის სამმართველოს უფროსისა, საქართველოს სსრ გზატკეცილებისა, ყამირგზებისა და საავტომობილო ტრანსპორტის სამმართველოს უფროსისა და ამიერკავკასიის რკინის გზების დირექციის წარმომადგენლების შედგენილობით; გადაეცეს ამ კომისიას საქართველოს სსრ წყალთა მეურნეობის სამმართველოსთან წყალდიდობასთან და მისი შედეგების წინააღმდეგ ბრძოლისა-

თვის არსებული კომიტეტის ყველა ფუნქცია, რაც გათვალისწინებულია საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1930 წ. დეკემბრის 10-ის დადგენილებაში „წყალდიდობასთან და მის შედეგებთან ბრძოლის ღონისძიებათა შესახებ“ (საქ. სსრ კან. კრ. 1930 წ. 24 №-ი, მუხ. 340), და დაეკისროს ამავე კომისიას უშუალო ხელმძღვანელობის გაწევა ყველა იმ ღონისძიების განხორციელების საქმისათვის, რაც უზრუნველყოფს მიმდინარე წლის გაზაფხულზე მოსალოდნელი წყალდიდობის წინააღმდეგ ბრძოლის მომზადებას და ჩატარებას, კერძოდ—უზრუნველყოს წყლის ნაპირების გამმაგრებელი სამუშაოების თავის დროზე შესრულება, არსებულ და ახლად მოსაწყობ ნაპირების გამმაგრებელ ნაგებობათა დაცვა.

2. წინადადება მიეცეს იმ სარაიონო აღმასრულებელ კომიტეტებს და აგრეთვე იმ საქალაქო და სასოფლო საბჭოებს, რომელთა ტერიტორიაზედაც მოსალოდნელია მიმდინარე წლის გაზაფხულზე წყალდიდობა, დაუყოვნებლივ მოაწყონ საგანგებო კომისიები წყალდიდობასთან ბრძოლისათვის—სარაიონო აღმასრულებელი კომიტეტებისა და საქალაქო და სასოფლო საბჭოების თავმჯდომარეების თავმჯდომარეობით, კუთვნილებისამებრ, და წყალთა მეურნეობის ადგილობრივი ორგანოებისა და ადგილობრივი საგზაო ორგანოების წარმომადგენელთა შედგენილობით.

ზემოაღნიშნულმა ადგილობრივმა საგანგებო კომისიებმა: ა) დაუყოვნებლივ უნდა დაამყარონ კავშირი საქართველოს სსრ სახალხო კომისართა საბჭოსთან არსებულ საგანგებო კომისიასთან: სარაიონო კომისიებმა—უშუალოდ, ხოლო სასოფლო და საქალაქო კომისიებმა (გარდა იმ კომისიებისა, რომელნიც არსებობენ დამოუკიდებელ საადმინისტრაციო-სამეურნეო ერთეულებად გამოყოფილი ქალაქების საქალაქო საბჭოებთან)—სათანადო სარაიონო საგანგებო კომისიების მეშვეობით, და ბ) უნდა იმოქმედონ საქართველოს სსრ სახალხო კომისართა საბჭოსთან არსებული საგანგებო კომისიის დირექტივებისა და მინიშნებების მიხედვით.

3. წინადადება მიეცეს სარაიონო აღმასრულებელ კომიტეტებს იხმარონ ღონისძიებანი წყალდიდობასთან ბრძოლის ადგილობრივი კომისიების უზრუნველყოფისათვის საჭირო საშენი მასალით (წნელი, ფიჩხი და სხვა ხე-ტყის მასალა, რაც საჭიროა წყალდიდობასთან საბრძოლველად შესაფერ ნაგებობათა მოწყობისათვის).

წინადადება მიეცეს საქართველოს სსრ ეკონომიურ საბჭოსთან არსებულ საშენი მასალის განმანაწილებელ კომისიას—უზრუნველყოს წყალდიდობასთან საბრძოლველად საჭირო სამუშაოები საშენი მასალით ცენტრალიზებული ფონდებიდან.

4. წინადადება მიეცეს სარაიონო აღმასრულებელ კომიტეტებს—შემოიღონ წყალდიდობასთან ბრძოლის ცენტრალური და ადგილობრივი საგანგებო კომისიების მოთხოვნით, მოსახლეობისათვის შრომისა და კაპანზიდვის ბეგარა იმ

წესისამებრ, რაც გათვალისწინებულია სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1932 წ. მაისის 13-ის დადგენილებით „სტიქიურ უბედურებასთან ბრძოლისათვის შრომის ბეგარის შემოღების შესახებ“ (საქ. სსრ კან. კრ. 1932 წ. მე-16 № ი, მუხ. 127; 1933 წ. № 12, მუხ. 166).

საქ. სსრ ს.კ.ს-ოს თავმჯდომარის მოადგ. ა. ჟოფიაშვილი.

საქ. სსრ ს.კ.ს-ოს საქმეთა მმართველის მოადგ. გ. თათიშვილი.

1934 წ. თებერვლის 2.

ტფილისი.

გამოქვეყნებულია ვაზ. „კომუნისტის“ 41 №-ში 1934 წ. თებერვლის 17.

## 55. დადგენილება ს.კ.ს. და ს.ბ.პ. (ბ) ც. კ.

1934 წლის საგაზაფხულო სასოფლო-სამეურნეო კამპანიისათვის მუშა-პირუტყვის მომზადების შესახებ.

საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი აღნიშნავენ, რომ ჯერ კიდევ არადაამაკმაყოფილებელია მუშა-პირუტყვის მოვლა, შენახვა და კვება; მთელ რიგ რაიონებსა და კოლმეურნეობებში ადგილი აქვს მუშა-პირუტყვისადმი დაუშვებელ დამოკიდებულებას და ცოცხალი გამწვევი ძალის მნიშვნელობის შეუფასებლობას.

ითვალისწინებენ რა, რომ მუშა-პირუტყვის ნორმალური შენახვის და მდგომარეობის უზრუნველყოფა წარმოადგენს სასოფლო-სამეურნეო კამპანიის წარმატებით ჩატარების ერთ-ერთ გადამწყვეტ პირობას, საქართველოს სახალხო კომისართა საბჭო და საქ. კ. პ. (ბ) ცენტრალური კომიტეტი ადგენენ:

1. საქიროდ ჩაითვალოს უხეში საკვების (თივა, ჩალა, ბზე) და კონცენტრირებული საკვების (ქერი, სიმინდი, შვრია, სოია, კობტონი, ქაჭო და სხვ.) ხელუხლებელი ფონდების შექმნა ყველა საბჭოთა მეურნეობასა, სამანქანო-სატრაქტორო სადგურსა და კოლმეურნეობაში იმ ოდენობით, რაც საქიროა მთელი მოთხოვნილების დასაფარავად და მუშა-პირუტყვის სრული მუშაობის უნარის შესანარჩუნებლად.

ამ მიზნისათვის დაევალოს საბჭოთა მეურნეობების, სამანქანო-სატრაქტორო სადგურების დირექციებს და კოლმეურნეობათა გამგეობებს არა უგვიანეს 10 თებერვლისა დაჯავშნონ საკვები ფონდი იმ ანგარიშით, რომ წარმოებულ იქნას მუშა-პირუტყვის გაძლიერებული კვება 15 დღის განმავლობაში სასოფლო-სამეურნეო სამუშაოების დაწყებამდე და 15 დღის განმავლობაში თესვის საგაზაფხულო სამუშაოების დროს.

2. დამტკიცდეს მიწსახკომის სისტემის საბჭოთა მეურნეობებში, სამანქანო-სატრაქტორო სადგურებს და კოლმეურნეობებში საკვების დაჯავშნის გეგმა, რომელიც წარმოდგენილია საქართველოს მიწსახკომის მიერ.

დაევალოს ერბო-კარაქის ტრესტს—ამხ. შაბანოვს, მეღორეობის ტრესტს—ამხ. ბესელიას, ცეკავშირს—ამხ. ამირალოვს, მომარაგების სახალხო კომისარიატს—ამხ. ქუჩულორისს—ხუთი დღის ვადაში შეადგინონ მუშა-პირუტყვის საკვების დაჯავშნის გეგმა თავისი საბჭოთა მეურნეობების მიხედვით, ამასთან უზრუნველყონ ხელუხლებელი ფონდების მთლიანად გამოყოფა 10 თებერვლისათვის.

საბჭოთა მეურნეობების გაერთიანებათა დირექტორებმა და ტრაქტორცენტრის მმართველმა უზრუნველყონ საკვების დაჯავშნის გეგმების დაყვანა თვითეთულ საბჭოთა მეურნეობამდე და თვითეთულ სამანქანო-სატრაქტორო სადგურამდე—არა უგვიანეს 5 თებერვლისა და საკვების გამოყოფა—არა უგვიანეს 10 თებერვლისა.

4. დაევალოს საბჭოთა მეურნეობების, სამანქანო-სატრაქტორო სადგურების დირექტორებს და კოლმეურნეობების გამგეობათა თავჯდომარეებს, მათი პირადი პასუხისმგებლობით, სავსებით უზრუნველყონ ყველა საკვების თავის დროზე შიტანა პირუტყვის შენახვის და მუშაობის ადვილზე.

5. გაფრთხილება მიეცეს საქ. კ. პ. (ბ) რაიკომების მდივნებს, რაილმასკომების თავმჯდომარეებს, პოლიტგანყოფილებათა უფროსებს, საბჭოთა მეურნეობების, სამანქანო-სატრაქტორო სადგურების დირექტორებს და კოლმეურნეობათა გამგეობების თავმჯდომარეებს, რომ საკვების დაჯავშნა უზრუნველყოფილ უნდა იქნას მთლიანად ადგილობრივი რესურსების ხარჯზე, ამასთან მხედველობაში უნდა იქონიონ, რომ საკვები ფონდები დეცენტრალიზებული წესით არ იქნება გამოყოფილი.

6. პირუტყვის სათანადოდ შენახვის და პირუტყვის მოვლის საქმეში გაუპიროვნების და უპასუხისმგებლობის ლიკვიდაციის მიზნით, თვითეთულ შემოწმებულ, გამოცდილ კოლმეურნეზე და საბჭოთა მეურნეობის თვითეთულ შემოწმებულ მუშაზე მიმდარებულ იქნას არა უმეტეს ექვსი ხარისა ან ოთხი ცხენისა; ამასთან დაეკისროს მათ პასუხისმგებლობა პირუტყვის სათანადოდ მოვლისა და ინვენტარის დაცულობისათვის.

7. დაწესდეს ყველა კოლმეურნეობაში, საბჭოთა მეურნეობებსა და სამანქანო-სატრაქტორო სადგურებში შემდეგი სავალდებულო ღონისძიებანი: მთელი მუშა პირუტყვის გასუფთავება ჯაგარისით დღე-ღამეში ერთხელ მაინც და ჩლიქების სისტემატური გამოწმენდა ჩლიქების შეჭრით მათი გაზრდის შემთხვევაში; მარილიანი წყლით ოდნავ მოპკურებული დაჭრილი თივისა და ჩალის მიცემა; ბოსლის გასუფთავება ორჯერ მაინც დღე-ღამეში, პირუტყვის სადგომების შენახვა სათანადო წესრიგში.

8. წინადადება მიეცეს საქ. კ. პ. (ბ) რაიკომების მდივნებს, პოლიტგანყოფილებათა უფროსებს და რაილმასკომების თავმჯდომარეებს სისტემატურად შეამოწმონ იმ მუშათა შემადგენლობა, რომლებიც მომსახურებას უწევენ მუშა-პირუტყვის საბჭოთა მეურნეობებსა, კოლმეურნეობებსა და სამანქანო-სატრაქტორო სადგურებში, ამასთან სისხლის სამართლის პასუხისმგებაში მისცენ, რო-



გორც სოციალისტური (საზოგადოებრივი) საკუთრების განმრავლებები, ის პირნი, რომლებიც დამნაშავე იქნებიან მუშა-პირუტყვისადმი დანაშაულებრივ მოპყრობაში (საკვების გატაცება, ზედმეტი დატვირთვა, რაც იწვევს პირუტყვის დაზარალებას, ზომების მიუღებლობა დაავადების ლიკვიდაციისათვის, აგრეთვე დაუდევარი დამოკიდებულება მუშა-პირუტყვის მოვლისადმი).

რესპუბლიკის იუსტიციის სახალხო კომისარიატმა ორი დღის ვადაში მისცეს ამ საკითხზე სათანადო დირექტივა რაიონულ სასამართლო საგამომძიებლო ორგანოებს.

9. დაევალოს საბჭოთა მეურნეობების, სამანქანო-სატრაქტორო სადგურების დირექციებს და კოლმეურნეობათა გამგეობებს დააწესონ პირუტყვის ნორმალური დატვირთვა, ასაკის, სიმსუქნის, წონის დე სხვ. მიხედვით.

10. წინადადება მიეცეს საქ. კ. პ. (ბ) რაიკომებს და აღმასკომებს უზრუნველყონ დაჯავშნული საკვების გამოყოფა მუშა-პირუტყვისათვის ერთპიროვნულ გლეხურ მეურნეობებში, ამასთან ჩამოართვიან წერილობითი ვალდებულება თვითველ მეურნეობაში ამ ფონდის დაცულობის შესახებ.

11. სასოფლო საბჭოების წევრების, პარტიელების, კომკავშირელების, საკოლმეურნეო აქტივის და სოფლის აქტივის მეშვეობით მოეწყოს სისტემატური კონტროლი და მეთვალყურეობის გაწევა იმისათვის, რომ გამოყოფილ და დაცულ იქნას დაჯავშნული საკვები ერთპიროვნულ მეურნეობებში, არ იქნას დაშვებული მუშა-პირუტყვის ბოროტი განზრახვით დაშავება, მისი დასუსტება და განიავება. ამასთან დამნაშავენი დაუყოვნებლივ იქნან მიცემული სასტიკ პასუხისგებაში სისხლის სამართლის წესით.

საქ. სსრ ს.კ.ს-ოს თავმჯდომარის მოადგ. ა. უოჟიკაშვილი.

ს. კ. პ. (ბ) ც. კ.-ის მდივანი ვ. დეკანოზიშვილი.

1934 წ. თებერვლის 2.

ტფილისი.

გამოქვეყნებულია გაზ. „კომუნისტი-ს“ 30 №-ში 1934 წ. თებერვლის 4.

## 56. დადგენილება ს.კ.ს.

ცენტრალური კულტურების დარგში მუშაობის 1934 წლის გეგმის შესახებ.

საქართველოს სსრ სახალხო კომისართა საბჭო ადგენს:

1. 1934 წლის გაზაფხულზე დასარგავად ვარგისი ლიმონის, მანდარინის და ფორთოხლის სანერგე მასალის რაოდენობის შესაბამისად დამტკიცებულ იქნეს 1934 წლის გაზაფხულზე ცენტრალური კულტურების გაშენებისა და რემონტის გეგმა 435 ჰექტარის რაოდენობით, მათ რიცხვში, საბჭოთა მეურნეობებში—260 ჰექტ., კოლმეურნეობებში—55 ჰექტ., კოლმეურნეთა და ინდივიდუალურ მეურნეთა საკარმიდამო მიწაზე—106 ჰექტ. და საკარმიდამო მიწაზე ქალაქებში—14 ჰექტარი. აღნიშნული გეგმა განაწილებულ იქნეს რაიონების მიხედვით შემდეგნაირად:



ა. ლიმონი. აჭარისტანის ავტ. სსრ-ში დასარგავად ვარგის ნერგის ცნობილ იქნეს 45.680 ლიმონის ნერგი, რაც უზრუნველყოფს 91 ჰექტ. ახალ ფართობს და რაც შემდეგ ორგანიზაციებს აქვთ:

ა) ბათომის საქალაქო საბჭ. მეურნეობას . . . . .	25.500	ცალი
ბ) ბოტანიკურ ბაღს . . . . .	2.620	"
გ) ჩაქვის ჩაის საბჭოთა მეურნეობას . . . . .	9.530	"
დ) ლიმონ-მანდარინის ტრესტის ქობულეთის სანერგეს . . . . .	500	"
ვ) აჭარისტ. მიწსახკომის საბჭოთა მეურნეობების ტრესტის I-ლ საბჭოთა მეურნეობას . . . . .	4.000	"
გ) აჭარისტ. მიწსახკომის საბჭოთა მეურნეობების ტრესტის მე-III საბჭოთა მეურნეობას . . . . .	3.500	"

ამ რაოდენობიდან გადატანილ იქნეს აჭარისტანის ავტ. სსრ-დან სანერგე მასალა 29 ჰექტარისათვის შემდეგ რაიონებში:

**1. ოზურგეთის რაიონში.**

- ა) „საქ. ჩაის“ ნატანების საბჭოთა მეურნეობას—10 ჰექტ. (ჩაქვის საბჭოთა მეურნეობიდან)—5.000 ცალი;
- ბ) ლიმონ-მანდარინის ტრესტის „ურეკის“ საბჭოთა მეურნეობას—1 ჰექტ. (ბათომის საქალაქო საბჭ. მეურნეობიდან)—500 ცალი;
- გ) ოზურგეთის რაიონის კოლმეურნეობებს—5 ჰექტ. (ბათომის საქალაქო საბჭოთა მეურნეობიდან)—2.500 ცალი.

**2. ღანჩხუთის რაიონში.**

კოლმეურნეთა და ინდივიდუალურ მეურნეთა საკარმიდამო მიწებზე გასაშენებლად—5 ჰექტ. (ბათომის საქალაქო საბჭოთა მეურნეობიდან)—2.500 ცალი.

**3. აფხაზეთის ავტ. სსრ-ში:**

ლიმონ-მანდარინის ტრესტის პიცუნდის საბჭოთა მეურნეობას—8 ჰექტ. (ბათომის საქალაქო საბჭოთა მეურნეობიდან)—4.000 ცალი.

ღანარჩენი რაოდენობა სანერგე მასალისა 62 ჰექტარისათვის გამოყენებულ იქნეს აჭარისტანის ავტ. სსრ-ში შემდეგნაირად:

1) ლიმონ-მანდარინის ტრესტის საბჭოთა მეურნეობებში:

ა) ალამბარის საბჭოთა მეურნეობაში გაშენებულ იქნეს 15 ჰექტ. (7.500 ცალი ბათომის საქალაქო საბჭოთა მეურნეობიდან);

ბ) გონიოს საბჭოთა მეურნეობაში გაშენებულ იქნეს 15 ჰექტ. (7.500 ცალი ბათომის ქალაქის ბაღიდან);

გ) ცეცხლაურის (ჯიხანჯური) საბჭოთა მეურნეობაში გაშენებულ იქნეს 5 ჰექტ. (2.500 ცალი ბათომის ბოტანიკური ბაღიდან);

2) აჭარისტანის საბჭოთა მეურნეობების ტრესტის ხაზით გაშენებულ იქნეს 3 ჰექტ. (1.500 ცალი საკუთარი სანერგიდან);

3) აჭარისტანის საბჭოთა მეურნეობების ტრესტმა რემონტი გაუკეთოს, მთლიან ნარგავზე გადაყვანით, 1 ჰექტ. (500 ცალი საკუთარი სანერგიდან);

4) კოლმეურნეთა და ინდივიდუალურ მეურნეთა საკარმიდამო მიწებზე გაშენებულ იქნეს 15 ჰექტ. და კოლმეურნეობებში მთლიან პლანტაციებად — 5 ჰექტ. (4.000 ცალი ჩაქვის საბჭოთა მეურნეობიდან, 5.500 ცალი აჭარისტანის საბჭოთა მეურნეობების ტრესტიდან და 500 ცალი ბათომის საქალაქო საბჭოთა მეურნეობიდან);

5) ჩაქვის ჩაის საბჭოთა მეურნეობაში გაშენებულ იქნეს 1 ჰექტ. (500 ცალი ჩაქვის სანერგიდან);

6) ბათომის ბოტანიკურ ბაღში გაშენებულ იქნეს 1 ჰექტ. (500 ცალი საკუთარი სანერგიდან);

7) ბათომის საქალაქო საბჭოთა მეურნეობაში გაშენებულ იქნეს 1 ჰექტ. (500 ცალი საკუთარი სანერგიდან).

ბ. მ ა ნ დ ა რ ი ნ ი. დასარგავად ვარგის ნერგად აჭარისტანის ავტ. სსრ-ში ჩაითვალოს 42.000 მანდარინის ნერგი, რაც უზრუნველჰყოფს 70 ჰექტარს და რაც შემდეგ ორგანიზაციებს აქვთ:

ბოტანიკურ ბაღს . . . . .	500 ნერგი
აგროტექნიკუმს . . . . .	1.000 "
საქალაქო საბჭოთა მეურნეობას . . . . .	3.100 "
ეთეროვან-ზეთოვანი კულტურების რესპ. ტრესტს. . . . .	3.500 "
ქობულეთის სანერგეს . . . . .	900 "
ჩაქვის საბჭოთა მეურნეობას . . . . .	3.100 "
აჭარისტანის საბჭ. მეურნეობების ტრესტს საკუთარი მა- სალა . . . . .	19.000 "
თავისი დამზადება . . . . .	9.000 "

მანდარინის ნერგი გამოყენებულ იქნეს შემდეგნაირად;

ა) აჭარისტანის მიწსახკომის საბჭოთა მეურნეობების ტრესტში გაშენებულ იქნეს 22 ჰექტ. (საკუთარი სანერგიდან და დამზადებიდან);

ბ) აჭარისტანის მიწსახკომის საბჭოთა მეურნეობების ტრესტის საბჭოთა მეურნეობებში მოხდეს 20 ჰექტარის რემონტი (საკუთარი სანერგიდან და დამზადებიდან);

გ) ლიმონ-მანდარინის ტრესტმა განახორციელოს რემონტი:

მუხა-ესტატეს საბჭ. მეურნეობაში	5 ჰექტ.
კვირიკეს " "	17 "
გონიოს " "	1 "
ცეცხლაურის " "	5 "



ლიმონ-მანდარინის ტრესტი უზრუნველყოფილ იქნეს სანერგე მასალებით შემდეგი ორგანიზაციებიდან:

1) აჭარისტანის ტრესტიდან . . . . .	2.800	ცალი
2) ბოტანიკური ბაღიდან . . . . .	500	"
3) აგროტექნიკუმიდან . . . . .	1.000	"
4) ჩაქვის საბჭოთა მეურნეობიდან . . . . .	3.100	"
5) საქალაქო საბჭოთა მეურნეობიდან . . . . .	5.000	"
6) ეთეროვან-ზეთოვანი-კულტურების რესპ. ტრესტიდან	3.500	"
7) ქობულეთის სანერგიდან . . . . .	900	"
ს უ ლ . . . . .	16.800	ცალი.

**2. ოზურგეთის რაიონი.**

ა. ლ ი მ ო ნ ი. გაშენებულ იქნეს:

1) ნატანების ჩაის საბჭოთა მეურნეობაში—10 ჰექტ. (აჭარისტანის ჩაქვის სანერგიდან—5.000 ნერგი).

2) ლიმონ-მანდარინის ტრესტის „ურეკის“ საბჭოთა მეურნეობაში—3 ჰექტ. (1 ჰექტარისათვის ბათომის საქალაქო საბჭოთა მეურნეობიდან—500 ნერგი და 2 ჰექტარისათვის ლიმონ-მანდარინის ტრესტის ფოთის სანერგიდან—1.000 ნერგი).

3) სარაიონო აღმასრულებელი კომიტეტის ზედღუბანის საბჭოთა მეურნეობაში—1 ჰექტ. (საკუთარი სანერგიდან 500 ნერგი).

4) კოლმეურნეობებში—2 ჰექტ. (1 ჰექტარისათვის საკუთარი მასალა—500 ცალი და 1 ჰექტარისათვის ბათომის საქალაქო საბჭოთა მეურნეობიდან—500 ცალი).

5) კოლმეურნეთა და ინდივიდუალურ მეურნეთა საკარმიდამო მიწებზე—4 ჰექტ. (ბათომის საქალაქო საბჭოთა მეურნეობიდან—2000 ნერგი).

ბ. მ ა ნ დ ა რ ი ნ ი. გაშენებულ იქნეს:

1) სარაიონო აღმასრულებელი კომიტეტის ზედღუბანის საბჭოთა მეურნეობაში—8 ჰექტ. (საკუთარი სანერგიდან 4.800 ნერგი).

2) კოლმეურნეობებში—20 ჰექტ. (საკუთარი მასალა—12.000 ნერგი).

3) კოლმეურნეთა და ინდივიდუალურ მეურნეთა საკარმიდამო მიწებზე—20 ჰექტ. (საკუთარი მასალა—12.000 ნერგი).

ლიმონ-მანდარინის ტრესტის „ურეკის“ საბჭოთა მეურნეობაში ჩატარდეს რემონტი 5 ჰექტ. (ნერგით უზრუნველჰყოფს ლიმონ-მანდარინის ტრესტი).

**3. ლანჩხუთის რაიონი.**

ა. ლ ი მ ო ნ ი. გაშენებულ იქნეს კოლმეურნეთა და ინდივიდუალურ მეურნეთა საკარმიდამო მიწებზე 5 ჰექტ. (2.500 ნერგი ბათომის საქალაქო საბჭოთა მეურნეობიდან).

ბ. მ ა ნ დ ა რ ი ნ ი. გაშენებულ იქნეს კოლმეურნეობებში 20 (უზრუნველყოფილ იქნეს საკუთარი მასალით).

**4. ფოთის რაიონი.**

ა. ლ ი მ ო ნ ი. ცნობილ იქნეს დასარგავად ვარგის ნერგად 17.000 ლიმონის ნერგი, რაც ლიმონ-მანდარინის ტრესტის სანერგეშია.

ფოთის რაიონიდან გადატანილ იქნეს:

1) ლიმონ-მანდარინის ტრესტის „ურეკის“ საბჭოთა მეურნეობაში—1.000 ცალი (2 ჰექტ.).

2) აფხაზეთის ავტ. სსრ-ში—პიცუნდას საბჭოთა მეურნეობაში 2.000 ცალი (4 ჰექტ.).

3) დარეზერვებულ იქნეს ლიმონ-მანდარინის ტრესტისათვის 2.000 ცალი. ფოთის რაიონში დარჩენილი 12.000 ნერგი (24 ჰექტარისათვის) გამოყენებულ იქნეს შემდეგნაირად:

გაშენებულ იქნეს:

1) კოლმეურნეობებში . . . . . 2,5 ჰექტ.

2) კოლმეურნეთა და ინდივიდუალურ მეურნეთა საკარმიდამო მიწებზე . . . . . 14 „

3) სხვადასხვა ორგანიზაციების საკარმიდამო მიწებზე . . . . . 7,5 „

საქ. სსრ მიწათმოქმედების სახალხო კომისარიატმა ფოთის საქალაქო საბჭოსთან ერთად დააწესოს ამ ორგანიზაციების სია.

ბ. მ ა ნ დ ა რ ი ნ ი. გაშენებულ იქნეს საკარმიდამო მიწებზე ქალაქებში 4 ჰექტ., რისთვისაც აფხაზეთის ტრესტიდან გადატანილ იქნეს 2.400 ნერგი.

**5. ზუგდიდის რაიონი.**

ა. ლ ი მ ო ნ ი. გაშენებულ იქნეს სარაიონო აღმასრულებელი კომიტეტის საბჭოთა მეურნეობაში 1 ჰექტ. (საკუთარი სანერგე მასალით).

გაშენებულ იქნეს ქალაქ ზუგდიდის საკარმიდამო მიწებზე 1 ჰექტ. (საკუთარი მასალით).

ბ. მ ა ნ დ ა რ ი ნ ი. გაშენებულ იქნეს:

1) სარაიონო აღმასრულებელი კომიტეტის ჭკადუაშის საბჭოთა მეურნეობაში—1 ჰექტარი;

2) კოლმეურნეობებში—5 ჰექტ.;

3) კოლმეურნეთა და ინდივიდუალურ მეურნეთა საკარმიდამო მიწებზე—7,5 ჰექტ.;

4) სხვადასხვა ორგანიზაციების ხაზით (ჩაის საბჭოთა მეურნეობა, ტექნიკუმი)—3,5 ჰექტ..

ამ ორგანიზაციების ხაზით მანდარინის გაშენება უზრუნველყოფილ იქნეს ზუგდიდის რაიონში არსებული სანერგე მასალით.

## 6. ხენაკის რაიონი.

მ ა ნ დ ა რ ი ნ ი. გაშენებულ იქნეს კოლმეურნეთა და ინდივიდუალურ მეურნეთა საკარმიდამო მიწებზე 2 ჰექტ. (აფხაზეთის საბჭოთა მეურნეობების ტრესტიდან—1.200 ნერგი).

## 7. ხობის რაიონი.

მ ა ნ დ ა რ ი ნ ი. გაშენებულ იქნეს კოლმეურნეთა და ინდივიდუალურ მეურნეთა საკარმიდამო მიწებზე 2 ჰექტ. (აფხაზეთის საბჭოთა მეურნეობების ტრესტიდან 1.200 ნერგი).

## 8. აფხაზეთის ავტ. სსრ

ა. ლ ი მ ო ნ ი. დასარგავად ვარგისი ნერგად ჩაითვალოს 10.200 ლიმონის ნერგი, რაც აფხაზეთის საბჭოთა მეურნეობის ტრესტს აქვს და რაც 20 ჰექტარის გაშენებას უზრუნველჰყოფს.

ლიმონის ნერგი გამოყენებულ იქნეს შემდეგნაირად:

გაშენებულ იქნეს;

1) აფხაზეთის საბჭოთა მეურნეობების ტრესტის ხაზით—11 ჰექტ. (აფხაზეთის საბჭოთა მეურნეობების ტრესტის სანერგიდან);

2) ქალაქ სოხუმში—2 ჰექტ. (აფხაზეთის საბჭოთა მეურნეობების ტრესტის სანერგიდან);

3) კოლმეურნეთა და ინდივიდუალურ მეურნეთა საკარმიდამო მიწებზე—2 ჰექტ. (აფხაზეთის საბჭოთა მეურნეობების ტრესტის სანერგიდან).

ჩატარებულ იქნეს რემონტი:

1) აფხაზეთის საბჭოთა მეურნეობების ტრესტში—5 ჰექტ. (აფხაზეთის საბჭოთა მეურნეობების ტრესტის სანერგიდან).

2) ლიმონ-მანდარინის ტრესტის პიცუნდას საბჭოთა მეურნეობაში—12 ჰექტ. (4 ჰექტარისათვის ნერგი შეზიდულ იქნეს ფოთიდან და 8 ჰექტარისათვის აჭარისტანის ავტ. სსრ-დან).

ბ. მ ა ნ დ ა რ ი ნ ი. ვარგისად ჩაითვალოს მანდარინის 75.000 ნერგი, რაც უზრუნველჰყოფს 125 ჰექტარს. ეს რაოდენობა ცალკეული ობიექტების მიხედვით განაწილებულ იქნეს შემდეგნაირად:

გაშენებულ იქნეს:

1) ქალაქ სოხუმში საკარმიდამო მიწებზე—8 ჰექტ. (4.800 ნერგი აფხაზეთის საბჭოთა მეურნეობების ტრესტიდან);

2) ლიმონ-მანდარინის ტრესტის კობორის საბჭოთა მეურნეობაში—32 ჰექტ. (19.200 ნერგი აფხაზეთის საბჭოთა მეურნეობების ტრესტის სანერგიდან);

3) აფხაზეთის საბჭოთა მეურნეობების ტრესტის ხაზით—16 ჰექტ. (9.600 ნერგი საკუთარი სანერგიდან);

4) ლიმონ-მანდარინის ტრესტის პიცუნდას საბჭოთა მეურნეობაში—8 ჰექტ. (4.800 ნერგი აფხაზეთის საბჭოთა მეურნეობების ტრესტის სანერგიდან);

5) კოლმეურნეთა და ინდივიდუალურ მეურნეთა საკარმიდამო მიწებზე—32 ჰექტ. (19.200 ნერგი აფხაზეთის საბჭოთა მეურნეობების ტრესტის სანერგიდან).

ჩატარებულ იქნეს რემონტი:

1) აფხაზეთის საბჭოთა მეურნეობების ტრესტის ხაზით—13 ჰექტ. (7.800 ნერგი საკუთარი სანერგოდან);

2) ლიმონ-მანდარინის ტრესტის კოხორის საბჭოთა მეურნეობაში—8 ჰექტ. (4.800 ნერგი აფხაზეთის საბჭოთა მეურნეობების ტრესტის სანერგოდან).

გ. ფ. ო. რ. თ. ო. ხ. ა. ლ. ვარგისად ჩაითვალოს ფორთოხლის 2.500 ნერგი, რაც უზრუნველყოფს 5 ჰექტ. და რაც აფხაზეთის საბჭოთა მეურნეობების ტრესტს აქვს. ეს რაოდენობა განაწილდეს შემდეგნაირად:

1) აფხაზეთის საბჭოთა მეურნეობების ტრესტის ხაზით—2 ჰექტ.—1.000 ნერგი (საკუთარი სანერგეებიდან);

2) კოლმეურნეთა და ინდივიდუალურ მეურნეთა საკარმიდამო მიწებზე—2,5 ჰექტ.—1.250 ნერგი (აფხაზეთის საბჭოთა მეურნეობების ტრესტიდან);

3) კოლმეურნეობებში 0,5 ჰექტ.—250 ნერგი (აფხაზეთის საბჭოთა მეურნეობების ტრესტიდან).

II. წინადადება მიეცეს ლიმონ-მანდარინის ტრესტს, აფხაზეთის და აჭარისტანის ცენტრალურ აღმასრულებელ კომიტეტებს და ოზურგეთის, ლანჩხუთის, ფოთის, ზუგდიდის და სენაკის სარაიონო აღმასრულებელ კომიტეტებს:

ა) უზრუნველყონ ციტრუსოვანი კულტურების ნერგის საუკეთესო მოვლა, ხოლო საქართველოს სსრ მიწათმოქმედების სახალხო კომისარიატმა ა/წ. თებერვლის დამლევს შეამოწმოს სანერგე მასალის მდგომარეობა იმ თვალსაზრისით, თუ რომდენად გამოსადეგია ეს მასალა 1934 წლის გაზაფხულზე დასარგავად;

ბ) არა უგვიანეს თებერვლის 15-ისა მიაწვდინონ ციტრუსოვანი კულტურების გაშენების გეგმა საბჭოთა მეურნეობებს, კოლმეურნეობებს, კოლმეურნეებს და ინდივიდუალურ მეურნეობებს; ამასთანავე, გეგმის მიწვედნასთან ერთად როგორც საბჭოთა მეურნეობებსა და კოლმეურნეობებში, ისე კოლმეურნეთა და ინდივიდუალურ მეურნეთა საკარმიდამო მიწებზე სპეციალისტების კომისიამ უნდა გამოიკვლიოს მიწის ცალკეული ნაკვეთები, რომლებზედაც ციტრუსოვანი კულტურების გაშენება უნდა მოხდეს;

გ) დაამთავრონ ნიადაგის მომზადება ციტრუსოვანი კულტურების გასაშენებლად (მიწის ნაკვეთების გაწმენდა, თხრილების ამოღება და სხვ.) არა უგვიანეს ა/წ. თებერვლის დამლევისა.

III. წინადადება მიეცეს ლიმონ-მანდარინის ტრესტს, აფხაზეთის და აჭარისტანის ავტ. სსრ. ცენტრალურ აღმასრულებელ კომიტეტებს, ოზურგეთის, ლანჩხუთის, ფოთის, ზუგდიდის და სენაკის სარაიონო აღმასრულებელ კომიტეტებს—აღრიცხონ სხვა სუბტროპიკული ნაყოფიანი კულტურების (ფეიხოა, მუშმულა, პეკანი, იაპონური ხურმა) ნერგის რაოდენობა და, სანერგე მასალის რაოდენობის შესაბამისად, საქართველოს სსრ მიწათმოქმედების სახალხო კომისარიატთან წინასწარ შეთანხმებით, დააწესონ საბჭოთა მეურნეობებისა, კოლმეურნეობებისა, კოლმეურნეებისა და ინდივიდუალური მეურნეობებისათვის აღნიშნული კულტურების გაშენების გეგმა 1934 წლის გაზაფხულზე.


VI. რათა 1935 წლის და 1936 წლის გაშენება უზრუნველყოფილ იქნეს სანერგე მასალით, დამტკიცდეს 1934 წლის მყნობის გეგმა 1.500.000 ცალის რაოდენობით. მყნობის გეგმა და მისი საძირებით უზრუნველყოფა ცალკეული სექტორებისა და რაიონების მიხედვით დამტკიცდეს შემდეგი სახით:

რაიონები და ორგანიზაციები	მცნობის გეგმა 1934 წ. (ათასო- ბით)	საკუროა ტრი- ფოლიატის საძირების შეძენა (ათა- სობით)	საძირე მასალით უზრუნველყოფა
<b>1. აჭარისტანი</b>			
1. ლიმმანტრესტის საბჭ. მეურ. გონიო . . . . .	40	100	ოზურგ. რ. კოლმეურნ. სა- ნერგეებიდან
2. „საბჭ. მეურნ. კვირიკე . . . . .	160	300	ოზურგ. რ. კოლმ. სასნერგ.
3. აჭარისტ. მიწსახ. საბჭ. მეურნ. ტრესტი . . . . .	450	200	ჭობულეთის რ. კოლმეურ- ნეობებიდან.
4. აჭარისტანის კოლმეურნეობანი .	50	—	ბათუმის და ჭობულეთის რაიონების კოლმეურნეო- ბათა სასნერგეებიდან
5. ჩაქვის საბჭოთა მეურნეობა . . .	50	100	ჭობულეთის რ. კოლმ. სა- სნერგეებიდან.
სულ აჭარისტანში . . . . .	750	700	
<b>2. ოზურგეთის რაიონი</b>			
1. ლიმმანტრესტის საბჭ. მეურნ. ურეკი . . . . .	30	—	საკუთარი მასალით.
2. ლიმმანტრესტის საბჭ. მეურ. ზედუბანი და კოლმეურნეობა .	50	—	ოზურგეთის რაიონის კოლ- მეურნეობათა სასნერგეები- დან.
<b>3. ლანჩხუთის რაიონი</b>			
1. ლიმმანტრესტის საბჭ. მეურნ. გრიგოლეთი . . . . .	—	300	ლანჩხუთის რაიონის კომე- ურნეობათა სასნერგეებიდან
2. კოლმეურნეობა . . . . .	50	—	ლანჩხუთის რაიონის კოლ- მეურნეობათა სასნერგეები- დან.
<b>4. ფოთის რაიონი</b>			
1. ლიმმანტრესტის საბჭ. მეურ- ნეობანი . . . . .	150	300	ლანჩხუთის რაიონის კოლ- მეურნეობათა სასნერგეები- დან
<b>5. ზუგდიდის რაიონი</b>			
კოლმეურნეობა „ნარინჯი“ . . .	50	100	ზუგდიდის რაიონის კომის საბერგიდან და ზუგდიდ. რაიონის კოლმ. სასნერგიდან
<b>6. აფხაზეთი.</b>			
1. ლიმმანტრესტი—კოხორა . . . .	200	—	პიცუნდას ბოსტნეულის საბ- ჭოთა მეურნეობის სასნერგი- დან
2. „ . . . . . —პიცუნდა . . . . .	30	65	
3. აფხაზეთის მიწსახკომის საბჭ. მეურნ. ტრესტი . . . . .	200	400	ოჩამჩირის და გალის რაი- ონების კოლმეურნ. სასნერ- გეებიდან და საკუთარი სა- სნერგიდან
სულ აფხაზეთში . . . . .	430	465	
მთლად საქართველოში . . . . .	1.500.000	1.865.000	



V. დამტკიცებულ იქნეს ტრიფოლიატის სანერგის გაშენების გეგმა 5,5 ჰექტარზე და მისი დათესვის გეგმა 5,5 ჰექტარზე ცალკეული რაიონებისა და სექტორების მიხედვით შემდეგი სახით:

რაიონები და ორგანიზაციები	ტრიფოლ. დათესი ჰექტ.	სანერგე	საქირთა თესვი (კლგრ.)	თესლით უზრუნველყოფა
<b>1. აჭარისტანი</b>				
1. ლიმმანტრესტის საბჭ. მეურნ. გონიო. . . . .	0,1	1	25	საკუთარი დამზადებიდან
2. ლიმმანტრესტის საბჭ. მეურნ. კვირიკე . . . . .	0,5	5	125	" "
3. აჭარისტანის საბჭოთა მეურნ. ტრესტი . . . . .	1,0	10	250	ქობულ. რ. ს/ს სადგ. დამზადებიდან
4. ბათომის ქალაქის ბალი და აჭარისტანის კოლმეურნეობანი . . . . .	0,4	4	100	ბათომის რაიონის სამანქანო-სატრაქტორო სადგურის დამზადებიდან
სულ აჭარისტანში . . . . .	2,0	20	500	
<b>2. ოჭურგეთის რაიონი</b>				
საბჭ. მეურნ. ზედუბანი და კოლმ.	0,5	5	125	ოჭურგ. რ. ს/ს. სადგ. დამზადებიდან
<b>3. ლანჩხუთის რაიონი</b>				
კოლმეურნეობანი . . . . .	0,3	3	75	დანარჩენ რ. ს/ს. სადგ. დამზადებიდან.
<b>4. ფოიის რაიონი</b>				
ლიმმანტრესტის საბჭ. მეურნ. . .	1,0	10	250	საკუთარი დამზადებიდან
<b>5. ზუგდიდის რაიონი</b>				
კოლმეურნეობა „ნარინჯი“ . . . .	0,2	2	50	ზუგდიდ. რ. ს/ს. სადგ. დამზადებიდან.
<b>6. აფხაზეთი</b>				
1. ლიმმანტრესტის საბჭ. მეურნ. კობორა . . . . .	1,0	10	250	საკუთარი დამზადებიდან
2. აფხაზეთის საბჭ. მეურნ. ტრესტი	0,5	5	125	ზობის რ. ს/ს. სადგ. დამზად.
სულ აფხაზეთში . . . . .	1,5	15	375	
მთლად საქართველოში . . . . .	5,5	55	1375	



VI. წინადადება მიეცეს სსრ მიწათმოქმედების სახალხო კომისარიატს აფხაზეთის და აჭარისტანის ავტ. სსრ ცენტრალურ აღმასრულებელ კომიტეტებთან და ოზურგეთის, ლანჩხუთის, ფოთის, ზუგდიდის და სენაკის სარაიონო აღმასრულებელ კომიტეტებთან ერთად, თებერვლის განმავლობაში გამოყოს ნატურად სანერგეებისათვის ვარგისი მიწა და განახორციელოს სათანადო ღონისძიებანი ისეთი ანგარიშით, რომ წინადაგის მომზადება დამთავრდეს მარტის 15-მდე და საძირების დარგვა აპრილის 15-მდე.

VII. წინადადება მიეცეს საქართველოს სსრ მიწათმოქმედების სახალხო კომისარიატს და ლიმონ-მანდარინის ტრესტს, აფხაზეთის და აჭარისტანის ავტ. სსრ ცენტრალურ აღმასრულებელ კომიტეტებთან და ოზურგეთის, ლანჩხუთის, ფოთის, ზუგდიდის და სენაკის სარაიონო აღმასრულებელ კომიტეტებთან ერთად, ჩაატარონ ციტრუსოვანი ნარგავების აპრობაცია და შერჩევა და მათი დაბრონირება სადედეებად, აგრეთვე შეიმუშაონ ოპერატიული გეგმა სანამყენო ყლორტების დასამზადებლად და ეს ოპერაცია დაამთავრონ მაისის დამლევამდე.

VIII. დაევალოს საქართველოს სსრ მიწათმოქმედების სახალხო კომისარიატს და ლიმონ-მანდარინის ტრესტს, აფხაზეთის და აჭარისტანის ავტ. სსრ ცენტრალურ აღმასრულებელ კომიტეტებთან და ოზურგეთის, ლანჩხუთის, ფოთის, ზუგდიდის და სენაკის სარაიონო აღმასრულებელ კომიტეტებთან ერთად, უზრუნველყონ ნაკელისა და მინერალური სასუქის შეტანა ციტრუსოვანი ნარგავების მთელ ფართობზე. სასუქის შეტანა ყველგან დამთავრდეს არა უგვიანეს ა/წ. აპილის 15-ისა.

IX. დაევალოს საქართველოს სსრ მიწათმოქმედების სახალხო კომისარიატს, ლიმონ-მანდარინის ტრესტს, აფხაზეთის და აჭარისტანის ავტ. სსრ ცენტრალურ აღმასრულებელ კომიტეტებს და ციტრუსოვანი კულტურების რაიონების სარაიონო აღმასრულებელ კომიტეტებს—უზრუნველყონ 1974 წელს ციტრუსოვანი კულტურების ყველა ნარგავის და აგრეთვე სანერგეების წამლობა სამჯერ მაინც. წინადადება მიეცეს სოფლის მეურნეობის მავნებლებთან ბრძოლის საზოგადოებას შეზიდოს რაიონებში არა უგვიანეს ა/წ. მარტისა სათანადო რაოდენობის შხამეული მასალა და აპარატურა.

X. წინადადება მიეცეს საქართველოს სსრ მიწათმოქმედების სახალხო კომისარიატს, აფხაზეთის და აჭარისტანის ავტ. სსრ ცენტრალურ აღმასრულებელ კომიტეტებთან და ოზურგეთის, ლანჩხუთის, ფოთის და ზუგდიდის სარაიონო აღმასრულებელ კომიტეტებთან ერთად, მყნობის კამპანიის დაწყებამდე მოამზადონ 230 დამყენელი შემდეგ რაიონებში:

1. აჭარისტანის ავტ. სსრ-ში . . . . .	60
2. ოზურგეთის რაიონში . . . . .	35
3. ლანჩხუთის " . . . . .	25
4. ფოთის " . . . . .	30
5. ზუგდიდის " . . . . .	20
6. აფხაზეთის ავტ. სსრ-ში . . . . .	60

დაისვას საკითხი სსრ კავშირის მიწათმოქმედების სახალხო კომისარიატის წინაშე კურსების ჩასატარებლად 45.000 მანეთის გაცემის შესახებ.

XI. ციტრუსოვანი კულტურების ნარგავების მომსახურებისათვის მოეწყოს რაიონებში 1934 წელს სპეციალური აგროქსელი შემდეგი შედეგებით:

1. აჭარისტანში . . . . .	3	აგრონომი—	1	აგროტექნიკოსი
2. ოზურგეთის რ. . . . .	1	„	— 1	„
3. ლანჩხუთის რ. . . . .	1	„	— 1	„
4. ფოთის რ. . . . .	3	„	— —	„
5. ზუგდიდის რ. . . . .	2	„	— —	„
6. სენაკის რ. . . . .	1	„	— —	„
7. ხობის რ. . . . .	1	„	— —	„
8. აფხაზეთში . . . . .	5	„	3	„

დაისვას საკითხი სსრ კავშირის მიწათმოქმედების სახალხო კომისარიატის წინაშე აღნიშნული ქსელის შესანახად სახელმწიფო ბიუჯეტით სახსრის გაღების შესახებ 160.000 მანეთის რაოდენობით.

XII. წინადადება მიეცეს ლიმონ-მანდარინის ტრესტს, აჭარისტანის ავტ. სსრ მიწათმოქმედების სახალხო კომისარიატს, საქმილობსტანს, „საქართველოს რამის“ და „საქართველოს ჩაის“ გაითვალისწინონ 1934 წლის სამრეწველო-საფინანსო გეგმებში ასიგნებები ისეთი რაოდენობით, რაც უზრუნველყოფს ციტრუსოვანი კულტურის პლანტაციების გაშენებისა და რემონტისა და აგრეთვე სანერგეების ორგანიზაციის 1934 წლის გეგმის შესრულებას.

XIII. წინადადება მიეცეს საქართველოს სსრ მიწათმოქმედების სახალხო კომისარიატს კოლმეურნობათა საწარმოო დაკრედიტების 1934 წლის გეგმაში გაითვალისწინოს კოლმეურნობათა დაკრედიტება 88.600 მანეთის რაოდენობით მანდარინის, ლიმონის და ფორთოხლის პლანტაციების გასაშენებლად და სანერგეების მოსაწყობად.

XIV. დაისვას საკითხი სსრ კავშირის მიწათმოქმედების სახალხო კომისარიატის წინაშე იმის შესახებ, რომ გაცემულ იქნეს საბიუჯეტო დაუბრუნებელი სახსარი პლანტაციების გასაშენებლად და სანერგეების მოსაწყობად ქ. ფოთის საქალაქო საბჭოს საბჭოთა მეურნეობაში—110.000 მანეთის რაოდენობით, ბათომში—55.000 მანეთის რაოდენობით და ოზურგეთის სარაიონო აღმასრულებელი კომიტეტის საბჭოთა მეურნეობაში (ზედუბანი)—36.000 მანეთის რაოდენობით, სულ 231.000 მანეთის რაოდენობით.

XV. წინადადება მიეცეს საქართველოს სსრ მიწათმოქმედების სახალხო კომისარიატს, ლიმონ-მანდარინის ტრესტთან ერთად, ა/წ. თებერვლის განმავლობაში უზრუნველყოს აგროწესების, პოპულარული ბროშურების, ფურცლების და სხვ. გამოცემა ციტრუსოვანი კულტურების აგროტექნიკის საკითხებზე.

საქ. სსრ ს. კ ს-ოს თავმჯდომარის მოადგილე ა. შოთიკაშვილი.  
საქ. სსრ ს.კ.ს-ოს საქმეთა მმართველის მოად. გ. თათიშვილი.

1934 წ. თებერვლის 13.  
ტფილისი.

გამოქვეყნებულია გაზ. „კომუნისტის“ 39 №-ში 1934 წ. თებერვლის 15.



**ვაჭრობა. მომარაგება**

**57. დადგენილება ს.კ.ს. და ს.კ.პ.(ბ) ც.კ.**

კოლექტიური მეურნეობებისა და ერთპიროვნული მეურნეობების მიერ 1934 წლის მოსავლიდან სახელმწიფოსათვის მარცვლეულის სავალდებულო ჩაბარების შესახებ.

„კოლექტიური მეურნეობებისა და ერთპიროვნული მეურნეობებს მიერ 1934 წლის მოსავლიდან სახელმწიფოსათვის მარცვლეულის, მზეუჭვრიტის, ბრინჯის და კარტოფილის სავალდებულო ჩაბარების შესახებ“ გამოცემული სსრ კავშირის სახალხო კომისართა საბჭოს და სრულიად საკავშირო კომუნისტური პარტიის (ბ) ცენტრალური კომიტეტის 1934 წლის თებერვლის 10-ის დადგენილების შესაბამისად (სსრკ კან. კრ. 1934 წ. № 10, მუხ. 62; სსრკ ცენ. აღმ. კ-ტის „იზვესტია“ 37 №-ი 1934 წ. თებერვლის 11-ისა), საქართველოს სსრ სახალხო კომისართა საბჭო და საქართველოს კომუნისტური პარტიის (ბ) ცენტრალური კომიტეტი ადგენენ:

1. დამტკიცებულ იქნეს 1934 წლის მოსავლიდან მარცვლეულის ჩაბარების შემდეგი რაიონობითი ნორმები, თესვის გეგმით გათვალისწინებულ თვითეულ ჰექტარზე გამოანგარიშებით (ცენტნერობით):

რაიონების სახელწოდება	კოლექტიური მეურნეობანი, რომელთაც მომსახურეობას სამანქ.-სატრაქ. სადგ. უწევენ	კოლექტიური მეურნეობანი, რომელთაც მომსახურეობას სამანქ.-სატრაქ. სადგურები არ უწევენ		
	ყოველგვარი მარცვლეულის კულტურის ჩაბარების საშუალო ნორმა	აქედან ხორბალი	ყოველგვარი მარცვლეულის ჩაბარების საშუალო ნორმა	აქედან ხორბალი
1. სიღნაღის რაიონი . . . . .	0,60	0,65	0,90	0,95
2. ლაგოდეხის „ . . . . .	0,50	0,50	0,90	0,90
3. ყვარლის „ . . . . .	0,55	0,55	0,80	0,80
4. სტალინისის „ . . . . .	0,45	0,50	0,65	0,65
5. საგარეჯოს „ . . . . .	0,45	0,50	0,65	0,65
6. გურჯაანის „ . . . . .	0,45	0,45	0,65	0,65
7. თელავის „ . . . . .	0,40	0,45	0,65	0,65
8. ტფილისის „ . . . . .	—	—	0,60	0,60
9. გორის „ . . . . .	0,45	0,50	0,70	0,70
10. აღბულაბის „ . . . . .	—	—	0,60	0,65
11. ლუქსემბურგის. . . . .	—	—	0,70	0,75
12. ბორჩალოს „ . . . . .	0,30	0,30	0,65	0,65
13. კასპის „ . . . . .	0,35	0,40	0,60	0,60
14. ახალციხის „ . . . . .	—	—	0,60	0,60
15. ახალქალაქის „ . . . . .	0,40	0,45	0,60	0,60
16. სამხრეთ-ოსეთის ავტ. ოლქი	—	—	0,60	0,65

2. წინადადება მიეცეს სამხრეთ-ოსეთის ავტონომიური ოლქის ცენტრალური აღმასრულებელ კომიტეტს—დააწესოს სახელმწიფოსათვის მარცვლეულის ჩაბარების რაიონობითი ნორმები კოლექტიურ მეურნეობებზე; თანაც მას შეუძლია წინა მუხლის ცხრილის მე-16 პუნქტში აღნიშნული ნორმების, აწვევ-დაწვევა, ხოლო ისე-კი, რომ უზრუნველყოფილ იქნეს ოლქისათვის კოლექტიურ მეურნეობებზე დადგენილი მარცვლეულის ჩაბარების რაოდენობის მთლად შესრულება, და რომ მარცვლეულის ჩაბარების საშუალო ნორმა ოლქში ცხრილის მე-16 პუნქტით გათვალისწინებულ ნორმაზე ნაკლები არ იყოს.

3. ამა დადგენილების 1-ლ და მე-2 მუხლებში აღნიშნული რაიონობითი ნორმები სავალდებულოა უწყებულები რაიონის ყველა კოლექტიური მეურნეობისათვის, და მათი შეცვლა არ შეიძლება.

4. თვითეული კოლექტიური მეურნეობის მიერ სახელმწიფოსათვის ჩასაბარებელი მარცვლეულის რაოდენობას განსაზღვრავს სათანადო სარაიონო აღმასრულებელი კომიტეტი ამა დადგენილების 1-ლი და მე-2 მუხლის სრული შესაბამისობით.

5. თვითეული ერთპიროვნული მეურნეობისათვის ჩასაბარებელი მარცვლეულის რაოდენობას გამოიანგარიშებს, სასოფლო საბჭოების მიერ წინასწარ შედგენილი მთესველთა სიის მიხედვით, სასოფლო-სამეურნეო პროდუქტების დამზადებათა კომიტეტის სარაიონო რწმუნებული (სარაიონო აღმასრულებელი კომიტეტის თავმჯდომარის მოადგილე—სას.სამ. პროდუქტების დამზადების ხაზით)—თვითეული მეურნეობისათვის მიეცემულ 1933 წლის საშემოდგომო თესვისა და 1934 წლის საგაზაფხულო თესვის საგეგმო დავალებათა კვალობაზე—ისე, რომ ერთპიროვნული მეურნეობების მიერ ერთ ჰექტარზე ჩასაბარებელი მარცვლეულის რაოდენობა აღემატებოდეს უწყებულები რაიონის კოლექტიური მეურნეობებისათვის დადგენილ ნორმას 5-დან 10 პროცენტამდე.

6. როგორც კოლექტიურმა მეურნეობებმა, ისე ერთპიროვნულმა მეურნეობებმა სახელმწიფოს მარცვლეული უნდა ჩააბარონ შემდეგ საკალენდრო ვადებზე და საჰექტარო ნორმის შემდეგი პროცენტობით: ივლისში—20 პროცენტი, აგვისტოში—35 პროცენტი, სექტემბერში—35 პროცენტი და ოქტომბერში—10 პროცენტი.

7. დავეალოს სარაიონო აღმასრულებელ კომიტეტებს (ამასთანავე, სამხრეთ ოსეთის ავტონომიური ოლქის რაიონების აღმასრულებელ კომიტეტებს—სამხრეთ-ოსეთის ავტონომიური ოლქის ცენტრალური აღმასრულებელი კომიტეტის პასუხისმგებლობით) ჩააბარონ არა უგვიანეს 1934 წლის აპრილის 1-ისა თვითეულ კოლექტიურ მეურნეობას მარცვლეულის ჩაბარების ვალდებულება კულტურების მიხედვით და აღსრულების ვადების აღნიშვნით.

იმავე ვადისათვის სასოფლო საბჭოებმა, სარაიონო აღმასრულებელი კომიტეტების პასუხისმგებლობით, უნდა ჩააბარონ თვითეულ ერთპიროვნულ მეურნეობას სახელმწიფოსათვის მარცვლეულის ჩაბარების ვალდებულება, რომელშიაც უნდა აღინიშნოს თვითეული ჩასაბარებელი კულტურის რაოდენობა ცალკე და აგრეთვე დავალების აღსრულების ვადები.

8. კოლექტიური მეურნეობებისა და ერთპიროვნული მეურნეობების მიერ სახელმწიფოსათვის მარცვლეულის ჩაბარების დროს შეიძლება ერთი კულტურა შეიცვალოს მეორე კულტურით, ხოლო ხორბლის სხვა რომელიმე კულტურით შეცვლა და აგრეთვე სხვა სასურსათო კულტურების საფურაჟე და საბურღულე კულტურებით შეცვლა არავითარ შემთხვევაში არ შეიძლება.

9. კოლექტიური და ერთპიროვნული მეურნეობანი მოვალენი არიან მიზიდონ და ჩააბარონ თავიანთი ხვედრი მარცვლეული „ზაგოტზეროს“ (ან დამზადებათა ხაზით სხვა, მისი მონაცვლე ორგანიზაციის) სადგურისპირულ საწყობში, ხოლო დამზადებელი ორგანოები მოვალენი არიან დაიცვან არსებული პრაქტიკა მარცვლეულის ჩამბარებლებთან ანგარიშის გასწორებისა, გადაზიდვის მანძილის სათვალავში მიღებით.

10. კოლექტიური მეურნეობებისა და ერთპიროვნული მეურნეობების მიერ სახელმწიფოსათვის მარცვლეულის ჩაბარების ვალდებულების აღსრულების ანგარიშში მიიღება მხოლოდ კარგი თვისების მარცვლეული.

აშმორებული და აღვივებული მარცვლეული ვალდებულების აღსრულებაში არ ჩაითვლება.

განაგვიანებული და ნოტიო მარცვლეული ვალდებულების აღსრულებაში ჩაითვლება, ხოლო მონაკლებით, განაგვიანებისა და ნოტიობისათვის, იმ მონაკლებთა ნორმების კვალობაზე, რაც დადგენილია შრომისა და თავდაცვის საბჭოს მიერ.

მარცვლეულის მიმღები პუნქტების გამგენი მოვალენი არიან პასუხისგებაში მისცენ სასამართლოს წესით ის პირნი, ვინც შეეცდება ჩააბაროს სახელმწიფოს აშკარად უვარგისი ან გაფუჭებული მარცვლეული.

11. სოფლის მასწავლებლებისა, აგრონომებისა და სამედიცინო და სანეიტორინარო მომუშავეების პურით მომარაგებისათვის მტკიცე სახელმწიფოებრივი ფასების კვალობაზე დაწესებულ იქნეს სავალდებულო დანარიცხი 2<sup>1</sup>/<sub>6</sub>-ის რაოდენობით კოლექტიური მეურნეობებისა და ერთპიროვნული მეურნეობების მიერ სახელმწიფოსათვის მარცვლეულის ჩაბარების ვალდებულებაზე, რაც განსაზღვრულია ამა დადგენილებით.

ამ ანარიცხის ანგარიშში ჩასაბარებელი მარცვლეული მიიღება იმავე პირობებით, როგორც სახელმწიფოსათვის ჩასაბარებელი მარცვლეული (ჩაბარების ვადებისა, კონდიციებისა, ფასებისა, ჩაბარების პუნქტებისა და სხვა მისთმობით).

12. ამა დადგენილებით განსაზღვრული ვალდებულებანი სახელმწიფოსათვის მარცვლეულის ჩაბარებისა შეადგენს თვითეული კოლექტიური მეურნეობის და ერთპიროვნული მეურნეობის საპირველრიგო მოვალეობას და აღსრულებულ უნდა იქნეს პირველი ნაღვეებიდან. პურის საკოლმეურნეო ვაჭრობა ნებადართულ იქნება მხოლოდ იმის შემდეგ, როდესაც აღსრულებულია ამა დადგენილების საფუძველზე განსაზღვრული მარცვლეულის ჩაბარების გეგმა მთელ რეს-

პუბლიკაში, და აგრეთვე იმის შემდეგ, როდესაც, ამ გეგმის შესრულებასთან დაკავშირებით დაგროვებულ იქნება სათესლე ფონდები.

13. იმ კოლექტიურ მეურნეობას, რომელიც არ შეასრულებს თავის ვალდებულებას სახელმწიფოსათვის პურის ჩაბარებისას ამა დადგენილებით განსაზღვრულ საკალენდრო ვადაზე, სასოფლო-სამეურნეო პროდუქტების დამზადებათა კომიტეტის სარაიონო რწმუნებული, სასოფლო საბჭოს მეშვეობით, გადაახდევინებს ფულად ჯარიმას ვალდებულების შეუსრულებელი ნაწილის საბაზრო ღირებულების რაოდენობით და, ამის გარდა, ამ კოლექტიურ მეურნეობას ვადამდე გადახდება უდავო წესით მთელი წლის ვალდებულებით ჩასაბარებელი მარცვლეული.

იმ ერთპიროვნულ მეურნეობას, რომელიც არ შეასრულებს თავის ვალდებულებას სახელმწიფოსათვის მარცვლეულის ჩაბარებისას დადგენილ ვადაზე, უკეთუ ამ შეუსრულებლობას არ ჰქონდა ბოროტული ან ჯგუფობრივი ხასიათი, გადახდება ზემოაღნიშნული წესისამებრ ჯარიმა ვალდებულების შეუსრულებელი ნაწილის საბაზრო ღირებულების ხუთჯერადი რაოდენობით და, ამის გარდა, ამ მეურნეობას ვადამდე გადახდება უდავო წესით მთელი წლის ვალდებულებით ჩასაბარებელი მარცვლეული.

უკეთუ ერთპიროვნული მეურნეობანი ბოროტულად ან ჯგუფურად არ შეასრულებენ თავიანთ ვალდებულებას სახელმწიფოსათვის მარცვლეულის ჩაბარებისას, დამნაშავენი მიიკცევიან პასუხისგებაში სასამართლოს წესით საქართველოს სსრ სისხლის სამართლის კოდექსის 61 მუხლის თანახმად.

14. კატეგორიულად ეკრძალებათ ხელისუფლების ადგილობრივ ორგანოებს და დამზადებელ ორგანოებს შემხვედრი გეგმების შემოღება ან კოლექტიური მეურნეობებისა და ინდივიდუალური მეურნეობებისათვის მარცვლეულის ჩაბარების ისეთ ვალდებულებათა დაკისრება, რაც აღემატება ამა დადგენილებით განსაზღვრულ საჰექტარო ნორმებს. სახელმწიფოსათვის მარცვლეულის ჩაბარების ვალდებულებათა შესრულების შემდეგ მთელი ზედმეტი პურეული რჩება თვით კოლექტიური მეურნეობებისა, კოლმეურნეებისა და ერთპიროვნული მეურნეობების სრულ განკარგულებაში.

15. წინადადება ეძლევა სასოფლო-სამეურნეო პროდუქტების დამზადებათა კომიტეტის რწმუნებულს საქართველოს სსრ-ში—ვამოსცეს 5 დღის ვადაზე ინსტრუქცია ამა დადგენილების განხორციელებისათვის და დაამყაროს ცოცხალი ინსტრუქტაჟი ადგილებზე, სასტიკი კონტროლი და ანგარიშგება მარცვლეულის ჩაბარების აღსრულების მსვლელობისათვის.

საქ. სსრ ს. კ. ს-ის თავმჯდომარე გ. შვალაშვილი.

საქ კ. პ. (ბ) ც. კ-ის მდივანი ლ. ბერია

1934 წ. თებერვლის 26.  
ტფილისი.

## 58. დადგენილება ს. კ. ს.

ნავსათბობით მომარაგების სფეროში სამომხმარებლო კოოპერაციის სისტემის სადარგო შენაერთ "საქსათბობის" მიშართ განსაზოგადოებულ სექტორის ორგანიზაციების დავალიანების ლიკვიდაციასათვის საჭირო ღონისძიებათა შესახებ.

ვინაიდან სამომხმარებლო კოოპერაციის რესპუბლიკანური სადარგო შენაერთის „საქსათბობის“ ბალანსით დაგროვდა თვალსაჩინო სადებიტორო დავალიანება და, თესვის კამპანიასთან დაკავშირებით, აუცილებლად საჭიროა ამ ორგანიზაციის საფინანსო მდგომარეობის სასწრაფო გაჯანსაღება, საქართველოს სსრ სახალხო კომისართა საბჭო აღდგენს:

1. წინადადება მიეცეს სამომხმარებლო კოოპერაციის რესპუბლიკანური კავშირის „ცეკავშირის“ გამგეობას ჩაატაროს და დაამთავროს 1934 წლის მარტის 15-თვის სამომხმარებლო კოოპერაციის სარაიონო კავშირებისა, სასოფლო სამომხმარებლო საზოგადოებებისა და განსაზოგადოებული სექტორის სხვა ორგანიზაციების ნავსათბობით მომარაგების სფეროში „საქსათბობისადმი“ სადებიტორო დავალიანების მთლიანი შემოწმება და ლიკვიდაცია და წარავლინოს იმ რაიონებში, რომლებიც უფრო მეტად არიან დავალიანებული, პასუხისმგებელი წარმომადგენელნი.

2. აღნიშნული დავალიანების ლიკვიდაციასთან დაკავშირებით „საქსათბობისა“ და განსაზოგადოებული სექტორის ორგანიზაციებს (მათ შორის სამომხმარებლო კოოპერაციის სისტემის ორგანიზაციებს) შორის აღძრულ დავათა სასწრაფოდ გადაწყვეტისათვის და აგრეთვე იმისათვის, რომ ეს დავალიანება ამ ორგანიზაციებს, რომელნიც ნებაყოფლობით გადახდას თავს არიდებენ, იძულებით გადახდეს, მოწყობილ იქნეს რაიონულ ცენტრებში სპეციალური კომისიები სათანადო სარაიონო აღმასრულებელი კომიტეტის პრეზიდიუმის ერთ-ერთი წევრის თავმჯდომარეობით და მოდავე ორგანიზაციებისა და სახელმწიფო ბანკის ადგილობრივი ფილიალის პასუხისმგებელ წარმომადგენელთა შედგენილობით.

აღნიშნულ კომისიებს მიეცეს სახელმწიფო არბიტრაჟის უფლება საქართველოს სსრ სახალხო კომისართა საბჭოსთან არსებული სახელმწიფო არბიტრაჟის ქვემდებარეობის ფარგლებში.

წინადადება მიეცეს საქართველოს სსრ სახალხო კომისართა საბჭოსთან მყოფ მთავარ არბიტრს:

ა) გამოყოს სპეციალური სახელმწიფო არბიტრი „საქსათბობისადმი“ განსაზოგადოებული სექტორის ცენტრალური ორგანიზაციებისა და ტფილისში მყოფი ორგანიზაციების (მათ შორის საქართველოს სამომხმარებლო კოოპერაციის სისტემის ორგანიზაციების) სადებიტორო დავალიანების ლიკვიდაციასთან დაკავშირებულ დავათა რიგს გარეშე და სასწრაფოდ განხილვისათვის;



ბ) დაამყაროს განსაკუთრებული ზედამხედველობა ზემოაღნიშნული წესით სპეციალური სახელმწიფო არბიტრის და სპეციალური სარაიონო კომისიების მიერ გადაწყვეტილი საქმეებისათვის და იხმაროს ღონისძიებანი, რათა ამ ორგანოებში შეტანილი ყველა პრეტენზია განხილულ იქნეს 5 დღის ვადაზე;

გ) დაამყაროს წესი ზემოაღნიშნული ორგანოების გადაწყვეტილებებით „საქსათბობის“ სასარგებლოდ დადგენილი თანხების იძულებით გადახდევინებისათვის ბრძანებების სასწრაფოდ გაცემის შესახებ.

მ. წინადადება მიეცეს საქალაქო საბჭოებს და სარაიონო აღმასრულებელ კომიტეტებს—შეამოწმონ მათი ქვემდებარე სამეურნეო ორგანიზაციების დავალიანება სამომხმარებლო კოოპერაციის სარაიონო კავშირებისა და სასოფლო სამომხმარებლო საზოგადოებებისადმი ნავთსათბობით მომარაგების სფეროში და იხმარონ გადამწყვეტი ღონისძიებანი ამ დავალიანების დაფარვისათვის ერთი დეკადის ვადაზე.

4. დაევალოს „ცეკავშირს“: ა) იხმაროს ღონისძიებანი, რათა დაუყოვნებლივ გამოყოფილ იქნეს ნავთსათბობის ანგარიშგება სამომხმარებლო კოოპერაციის ყველა სარაიონო კავშირში და ყველა სასოფლო სამომხმარებლო ამხანაგობაში, რომელიც ამ პროდუქციის უშუალო რეალიზაციას აწარმოებს, და გახსნილ იქნეს სახელმწიფო ბანკის ადგილობრივ განყოფილებებსა და სააგენტოებში სპეციალური ანგარიშები; თანაც უზრუნველყოს, რათა ამ ორგანიზაციების მიერ ნავთსათბობის გაყიდვით მიღებული თანხები მოლად შეტანილ იქნეს აღნიშნულ ანგარიშებზე და ამ ანგარიშებით განაღდებულ იქნეს მარტოოდენ ნავთის პროდუქტების სასყიდელი; ბ) დაამყაროს „საქსათბობთან“ ერთად სისტემატური კონტროლი ზემოაღნიშნული წესის აღსრულებისათვის.

საქ. სსრ ს.კ.ს-ის თავმჯდომარე გ. მგაღლობლიშვილი

საქ. სსრ ს.კ.ს-ის საქმეთა მმართველის მოადგ. გ. თათიშვილი

1934 წ. თებერვლის 21.  
ტფილისი.

**ტ რ ა ნ ს კ ო რ ტ ი**

**59. დადგენილება ს.კ.ს.**

საავტოტრანსპორტო საწარმოთათვის სატვირთო და სამგზავრო გადაზიდვა-გადაყვანაზე ისეთი სასყიდლის გადახდევინების აკრძალვის შესახებ, რაც აღემატება საქართველოს სსრ გზატკეცილებისა, ყამირგზებისა და საავტომობილო ტრანსპორტის სამმართველოსთან არსებული საუწყებთათშორისო სატარიფო თათბირის მიერ დამტკიცებულ ტარიფს.

რადგანაც შემჩნეულია შემთხვევები, რომ ადგილობრივი საბჭოები აწიგებენ ადგილობრივ ტარიფებს ტვირთის ავტოგადაზიდვაზე და მგზავრების ავტო-

# ფ ი ნ ა ნ ს ე ბ ი

## 62. დადგენილება ს.კ.ს.

1934 წელს საბინაო და კულტურულ-საყოფაცხოვრებო მშენებლობის საქიროებისათვის დადგენილი გამოსაღები მუშების და მოსამსახურეებისა და სხვა, არა სასოფლო მეურნეობის მწარმოებელი, მოსახლეობის დაბეგვრის შესახებ.

„ქალაქებსა და სოფლებში საბინაო და კულტურულ-საყოფაცხოვრებო მშენებლობის საქიროებისათვის 1934 წელს გამოსაღების დადგენის შესახებ“ გამოცემული სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1934 წ. იანვრის 23-ის დადგენილებისა სსრკ კან. კრ. 1934 წ. № 5, მუხ. 38; „იზვესტია“-ს მე-20 №-ი, იანვრის 23-ისა) და ა/კსფსრ სახალხო კომისართა საბჭოს 1934 წ. იანვრის 29-ის დადგენილების („ზარია ვოსტოკა“-ს 29 №-ი 1934 წ. თებერვლის 2-ისა) თანახმად საქართველოს სსრ სახალხო კომისართა საბჭო ადგენს:

1. ამა დადგენილების წესით გამოსაღებს იხდიან მუშები და მოსამსახურეები, შინამრეწველები, ხელოსნები და სხვა მოქალაქენი, რომელთაც შემოსავლის დამოუკიდებელი წყარო აქვთ და სასოფლო მეურნეობას არ აწარმოებენ.

2. მუშებსა და მოსამსახურეებს გამოსაღები გადახდებათ 12 თვის განმავლობაში მათი იმ თვის სამუშაო საშოვრის კვალობაზე, რაც წინ უძღვის გამოსაღების გადახდას; გამოსაღები გადახდებათ შემდეგი რაოდენობით:

თვიური სამუშაო საშოვრის რაოდენობა მანეთობით.	გამოსაღების თვიური გადახდელი, წინა თვის სამუშაო ხელფასის პროცენტობით.
100 მანეთამდე . . . . .	1,0
100 მანეთზე მეტი 125 მანეთამდე . . . . .	1,5
125 " " 200 " . . . . .	2,0
200 " " 500 " . . . . .	2,5
500 " " . . . . .	3,0

3. იმ მუშას და მოსამსახურეს, რომელსაც სარჩენად 3-ზე მეტი პირი ჰყავს, გამოსაღების რაოდენობა უმცირდება: როდესაც სარჩენია 4—25% -ით, როდესაც 5—30% -ით, როდესაც 6 და მეტი—40% -ით.

4. მუშისა და მოსამსახურის სახის სამუშაო საშოვარში შედის მის მიერ მიღებული ყოველგვარი სახის სამუშაო საშოვრის ყველა თანხა, როგორც არის: ძირითადი სამუშაო ხელფასი, ზედმეტი და ნაპრობითი მუშაობის სასყიდელი, პერსონალური დანამატი, პრემია, რაც მიეცემა შრომის პრემიალურ-წახალისების სასყიდლად, და სხვა მისთ.

5. მუშისა და მოსამსახურის თვითურ საშოვარში არ უნდა იქნეს ჩართული ის ერთდროული გასამრჯელო და პრემია, რაც მას მიეცემა იმ ფონდებიდან რომლებიც მოწყობილია თანხმად სსრ კავშირის ცენტრალური აღმასრულებელი კომიტეტის და სახალხო კომისართა საბჭოს 1931 წ. აგვისტოს 13-ს დამტკიცებული დებულებისა „სამრეწველო-საფინანსო გეგმის შესრულების და გადამეტებით შესრულების საქმეში მიღწევათათვის და აგრეთვე გამოგონებისა, ტექნიკური გაუმჯობესებისა და რაციონალიზატორული წინადადებისათვის და პრემირების ფონდების შესახებ“ (სსრკ კან. კრ. 1931 წ. 52 №-ი, მუხ. 338).

6. როდესაც მუშა და მოსამსახურე შეთავსებით მუშაობის ორ ან რამდენსამე საწარმოში, დაწესებულებაში და ორგანიზაციაში, გამოსაღები გამოიანგარიშება და გადაიხდებიან თვითეულ სამუშაო ადგილას ცალ-ცალკე; ამასთანავე, დაუბეგრავი მინიმუმი (მუხ. 16) შეფარდებულ უნდა იქნეს მხოლოდ ძირითადი სამუშაოს ადგილას.

7. ის მუშა და მოსამსახურე, რომელსაც აქვს არაპირდაპირი შემოსავალი ისეთი მუშაობისათვის, რასაც იგი ეწევა არა შრომის ხელშეკრულებით, და აგრეთვე აქვს სხვა შემოსავლის წყაროები, გარდა დამხმარე ხასიათის სასოფლო მეურნეობისა (მუხ. 8), გამოსაღებით ამ შემოსავლისათვის დაიბეგრება სათანადო კატეგორიის მიხედვით (მუხ. 11), სამუშაო ხელფასის დაბეგრის დამოუკიდებლად.

8. ის მუშა და მოსამსახურე, რომელიც სოფლის მეურნეობას აწარმოებს საკარმიდამო მიწაზე და რომელსაც ჰყავს ერთი ძროხა, წვრილფეხა საქონელი და ფუტკარი, აქვს სათიბი და ბოსტანი, ხოლო რომელსაც არა აქვს სამინდვრე მიწა და არა ჰყავს მუშა-საქონელი, უკეთეს სამუშაო ხელფასი მისი შემოსავლის ძირითადი წყაროა, არ დაიბეგრება გამოსაღებით სასოფლო მეურნეობის შემოსავლისათვის.

9. მუშას და მოსამსახურეს გამოსაღებს გამოიანგარიშებს ყოველივე ის საწარმო, დაწესებულება და ორგანიზაცია, სადაც იგი მუშაობს, და დაუქვრს თვეში ერთხელ სამუშაო ხელფასის მიცემის დროს.

10. მუშებისა და მოსამსახურეების თანაბრად გამოსაღებით იბეგრებიან:  
ა) ის მოსწავლენი, რომელნიც იღებენ სტიპენდიას 175 მანეთამდე მეტს თვეში, და ასპირანტები;

ბ) ის პირნი, რომელთაც აქვთ სალიტერატურო მუშაობის შემოსავალი საავტორო ხელშეკრულების დაუდებლად;

გ) ის კოოპერირებული შინამრეწველნი და ხელოსნები, რომელნიც მუშაობენ საერთო სახელოსნოებში;

დ) ის კოოპერირებული შინამრეწველნი და ხელოსნები—წევრნი საწარმოდ არტელებისა, რომელნიც სახლში მუშაობენ,—თავიანთი არტელისათვის ჩაბარებულ პროდუქციაზე მიღებული სამუშაო საშოვრის მიხედვით;

ე) დამცველთა კოლეგიის წევრნი—საკონსულტაციო კოლექტივებისაგან მიღებული გასამრჯელოს მიხედვით.

ცვის სამწყობრო და საადმინისტრაციო-სამეურნეო შედგენილობის პირი; მუშათა და გლეხთა მილიციის ოპერატიულ-სამწყობრო და საადმინისტრაციო-სამეურნეო შედგენილობის პირი და აგრეთვე შრომა-გასწორების დაწესებულებათა ოპერატიული და საადმინისტრაციო-სამეურნეო შედგენილობის პირი;

თ) ყოფილი წითელგვარდიელი და წითელი პარტიზანი.

17. მე-16 მუხლში აღნიშნული პირნი განთავისუფლდებიან გამოსაღებით დაბეგვრისაგან მათ მიერ მიწაზე სამუშაო ხელფასზე და მუშათა და გლეხთა წითელ არმიაში სამსახურისათვის მიწაზე ჯამაგირზე.

უკეთეს ამ პირთ, ამის გარდა, აქვთ სხვა რამ შემოსავალი (მაგალითად: სალიტერატურო და სამეცნიერო მუშაობისა, ლექციების კითხვისა, შენობების გაქირავებისა და სხვა მისთ.), ისინი ამ შემოსავლისათვის დაიბეგრებიან გამოსაღებით საერთო საფუძველზე.

18. შენობის მქონე მუშა და მოსამსახურე და აგრეთვე ის წევრი მისი ოჯახისა, რომელსაც არა აქვს შემოსავლის დამოუკიდებელი წყარო (შენობის გარდა), განთავისუფლდება გამოსაღებით დაბეგვრისაგან ამ შენობაზე, უკეთეს მას 1933 წელს არ ჰქონდა შემოსავალი შენობის გაქირავებით, ან უკეთეს ეს შემოსავალი არ აღემატება იმ დაუბეგრავ მინიმუმს, რაც დადგენილია უწყებულ ადგილას საშემოსავლო გადასახადისათვის.

შენობის შემოსავალი იანგარიშება ფაქტიურად მიღებული შემოსავლის რაოდენობით.

19. გამოსაღებით დაბეგვრისაგან განთავისუფლდებიან აგრეთვე:

ა) პენსიონერები—მათ მიერ მიწაზე პენსიაზე;

ბ) მოსწავლე-სტიპენდიატები, რომელნიც იღებენ სტიპენდიას არა უმეტეს 175 მანეთისა თვიურად.

20. შემოსული კულტურული გამოსაღების მთელი 100% ჩაირიცხება საქართველოს სსრ სახელმწიფო ბიუჯეტში; ამასთანავე, აფხაზეთის ავტ. სსრ-ისა, აჭარისტანის ავტ. სსრ-ისა და სამხრეთ-ოსეთის ავტ. ოლქის ტერიტორიაზე შემოსული კულტურული გამოსაღები მთლად გადაიციემა ამ რესპუბლიკებისა და ოლქის ბიუჯეტებში; რესპუბლიკის დანარჩენ ადგილებში (ქალ. ტფილისისა, ქუთაისისა, ფოთისა, სიღნაღისა, თელავისა, გორისა, სტალინისისა, ბორჯომისა, ახალციხისა, კიათურისა, ზესტაფონისა, სამტრედიისა, ხონისა, სენაკისა, ზუგდიდისა და ოზურგეთის მოსახლეობის გამოკლებით) მთლად შემოსული კულტურული გამოსაღების 50% გადაიციემა სათანადო ადგილობრივი საბჭოების ბიუჯეტებში.

21. წინადადება მიეცეს საქართველოს სსრ შედგენილობაში შემავალი ავტონომიური რესპუბლიკებისა და ავტონომიური ოლქის ცენტრალურ აღმასრულებელ კომიტეტებს და სარაიონო აღმასრულებელ კომიტეტებს და საქალაქო საბჭოებს—დაუყოვნებლივ გაშალონ მასური მუშაობა ქალაქის მშრომელთა შორის სარაიონო და კულტურულ-საყოფაცხოვრებო მშენებლობის საქმეებისა-

თვის დადგენილი გამოსაღების კანონის განსამარტებლად და უზრუნველყოფის საფუძველზე გამოსაღების 100%-ით შემოსვლა კანონით დადგენილ ვადებზე.

საქ. სსრ ს.კ.ს-ოს თავმჯდომარის მოადგ. ა. ჟოჟიკაშვილი.

საქ. სსრ ს.კ.ს-ოს საქმეთა მმართველის მოადგ. გ. თათიშვილი.

1934 წ. თებერვლის 7.

ტფილისი.

გამოქვეყნებულია გაზ. „კომუნისტის“ 36 №-ში 1934 წ. თებერვლის 11.

### 63. დადგენილება ს.კ.ს.

1934 წელს საბინაო და კულტურულ-საყოფაცხოვრებო მშენებლობის საქიროებისათვის დადგენილი გამოსაღებით კოლექტიური მეურნეობებისა და ერთპიროვნული საგლეხო მეურნეობების დაბეგვრის შესახებ.

ქალაქებსა და სოფლებში საბინაო და კულტურულ-საყოფაცხოვრებო მშენებლობის საქიროებისათვის დადგენილი 1934 წლის გამოსაღების შესახებ გამოცემული სსრ კავშირის ცენტრალური აღმასრულებელი კომიტეტისა და სახლხო კომისართა საბჭოს 1934 წლის იანვრის 29-ის დადგენილების სსრკ კან. კრ. 1934 წ. № 5, მუხ. 38; სსრკ ცენ. აღმასრ. კ. ტის „იზვესტია“-ს 1934 წ. მე-20 № ი) და ამიერკავკასიის სახლხო კომისართა საბჭოს 1934 წ. იანვრის 19-ის დადგენილების („ზარია ვოსტოკა“-ს 29 №-ი 1934 წ. თებერვლის 2-ისა) თანახმად, საქართველოს სსრ სახლხო კომისართა საბჭო ადგენს:

1. საბინაო და კულტურულ-საყოფაცხოვრებო მშენებლობის საქიროებისათვის დადგენილი გამოსაღები 1934 წელს ჩატარებულ უნდა იქნეს, ქვემოთ აღნიშნულ საფუძველზე, სოფლად, სააგარაკო დაბეგვ. და ქალაქის ტიპის დასახლებულ ადგილებში, სადაც სასოფლო-მეურნეობის მწარმოებელი მოსახლეობა 1933 წელს დაბეგრილი იყო სასოფლო-სამეურნეო გადასახადით.

შენიშვნა. ქალაქებსა და ქალაქის ტიპის დასახლებულ ადგილებში გამოსაღებით, ამა დადგენილების წესისამებრ, იბეგრებიან მხოლოდ ის მეურნეობანი, რომელნიც 1933 წელს დაბეგრილ იყვნენ სასოფლო-სამეურნეო გადასახადით ან, რაიმე შეღავათის გამო განთავისუფლებულ იქნენ ამ გადასახადისაგან.

2. გამოსაღებით დაიბეგრებიან:

ა) კოლმეურნეთა მეურნეობანი;

ბ) ერთპიროვნული საგლეხო მეურნეობანი.

3. კოლმეურნეთა მეურნეობანი და ერთპიროვნული საგლეხო-მეურნეობანი იბეგრებიან გამოსაღებით შემდეგი რაოდენობით:



ავტონომიური რესპუბლიკები,  
ავტონომიური ოლქი და რაი-  
ონები

კლდეურენეთა მეურნეობანი, იმათ გარ-  
და, რომელნიც მთლად ან ნაწილობრივ  
განთავისუფლებულ არიან გამოსაღებით  
მე-14 მუხლის წესისამებრ

მშრომელ ერთპიროვნულ მეურნეთა  
მეურნეობანი, რომელნიც 1933 წელს  
დაბეგერილ იყვნენ სასოფლო-სამეურ-  
ნეო გადასახადით მტკიცე განაკვეთის  
კვალობაზე

მშრომელ ერთპიროვნულ მეურ-  
ნეთა მეურნეობანი, რომელნიც  
1933 წელს დაბეგერილ იყვნენ  
სას.-სამ. გადასახადით პროგრე-  
სიული განაკვეთების კვალობაზე

1. აფხაზეთის ავტ. სსრ, აჭარის-  
ტანის ავტ. სსრ და სამხ-  
რეთ-ოსეთის ავტონომიური  
ოლქი . . . . .

34

39

1933 წლის სასოფლო-სამეურ-  
ნეო გადასახადის განაკვეთის 140  
%, ხოლო არა ნაკლებ იმ განაკ-  
ვეთისა, რაც უწყებულ ადგილს  
დადგენილია 1933 წელს სასოფ-  
ლო - სამეურნეო გადასახადის  
მტკიცე განაკვეთით დაბეგერილი  
მშრომელ ერთპიროვნულ მეურ-  
ნეთა მეურნეობებისათვის.

2. წალკისა, თიანეთისა, ყაზბე-  
გისა, დუშეთისა, ადიგენისა,  
ასპინძისა, ტყიბულისა და  
ქვემო სვანეთის რაიონში . .

24

29

1933 წლის სასოფლო-სამეურ-  
ნეო გადასახადის განაკვეთის  
120%, ხოლო არა ნაკლებ იმ გა-  
ნაკვეთისა, რაც უწყებულ ადგი-  
ლას დადგენილია 1933 წელს სა-  
სოფლო სამეურნეო გადასახადის  
მტკიცე განაკვეთით დაბეგერილ  
მშრომელ ერთპიროვნულ მეურნე-  
თა მეურნეობებისათვის.

3. ბორჯომისა, ახალქალაქისა,  
ბოგდანოვკისა, ახალციხისა,  
ხორავაულოსა, კიათურისა,  
ამბროლაურისა, ონისა, ჩხა-  
რისა, ცაგერისა, მარტვილი-  
სა, აბაშისა, ჩხოროწყვისა,  
წალენჯიხისა, ოზურგეთისა,  
ლანჩხუთისა, ჩოხატაურისა  
და ფოთის რაიონები . . . . .

30

35

1933 წლის სასოფლო-სამეურ-  
ნეო გადასახადის განაკვეთის  
140%, ხოლო არა ნაკლებ იმ გა-  
ნაკვეთისა, რაც უწყებულ ადგი-  
ლას დადგენილი 1933 წელს სა-  
სოფლო-სამეურნეო გადასახადის  
მტკიცე განაკვეთით დაბეგერილ  
მშრომელ ერთპიროვნულ მეურ-  
ნეთა მეურნეობებისათვის.

4. ყარაიას, ბორჩალოს, ბაშკი-  
ჩეთისა, საგარეჯოს, ალბულა-  
ხისა, გორისა, კასპისა, სტა-  
ლინისისა, ქუთაისისა, ბაღდა-  
დისა, ზესტაფონისა, ვანისა,  
სამტრედიისა, ხონისა, ზუგდი-  
დისა, ხობისა და სენაკის რა-  
იონები . . . . .

39

44

1933 წლის სასოფლო-სამეურ-  
ნეო გადასახადის განაკვეთის  
150%, ხოლო არა ნაკლებ იმ გა-  
ნაკვეთისა, რაც უწყებულ ადგი-  
ლას დადგენილია 1933 წელს  
სასოფლო-სამეურნეო გადასახა-  
დის მტკიცე განაკვეთით დაბეგ-  
ერილი მშრომელ ერთპიროვნულ  
მეურნეთა მეურნეობებისათვის



ყველგან გამოსაღებს იხდინა:

<p>ავტონომიური რესპუბლიკები, ავტონომიური ოლქი და რაი- ონები</p>	<p>კომლემენტარული მუშაობანი, იმათ გარ- და, რომელნიც მთლად ან ნაწილობრივ განთავისუფლებულ არიან განსაღებთ მე-14 მუხლის წესისამებრ</p>	<p>მშრომელ ერთპიროვნულ მეურნეთა მუშაობანი, რომელნიც 1933 წელს დაბეგვრილ იყვნენ სასოფლო-სამეურ- ნეო გადასახადით მტკიცე განაკვეთის კვალობაზე</p>	<p>მშრომელ ერთპიროვნულ მეურ- ნეთა მეურნეობანი, რომელნიც 1933 წელს დაბეგვრილ იყვნენ სას.-სამ. გადასახადით პროგრე- სიული განაკვეთების კვალობაზე</p>
<p>5. ლუქსემბურგისა, ტფილისისა, თელავისა, ლაგოდეხისა, სილ- ნალისა, გურჯაანისა და ყვარ- ლის რაიონები . . . . .</p>	<p>39</p>	<p>44</p>	<p>1933 წლის სასოფლო-სამეურ- ნეო გადასახადის განაკვეთის 160%, ხოლო არა ნაკლებ იმ გა- ნაკვეთისა, რაც უწყებულ ადგი- ლას დადგენილია 1933 წელს სასოფლო-სამეურნეო გადასახა- დის მტკიცე განაკვეთით დაბე- გვრილი მშრომელ ერთპიროვ- ნულ მეურნეთა მეურნეობები- სათვის.</p>

ა) მშრომელ ერთპიროვნულ მეურნეთა მეურნეობანი, რომელნიც 1933 წელს განთავისუფლებულ იყვნენ სასოფლო სამეურნეო გადასახადისაგან 15 მან.;

ბ) კულაკური მეურნეობანი—1933 წლის სასოფლო-სამეურნეო გადასახადის განაკვეთის 200%-ს.

4. სასოფლო-სამეურნეო გადასახადით პროცესიულად დაბეგვრილ მეურნეობათა გარდა, კომლემენტარული და მშრომელი ერთპიროვნული მეურნის მეურნეობას, რომელსაც ორზე მეტი არაშრომაუწარიანი წევრი ჰყავს, გამოსაღების რაოდენობა შეუმცირდება: როდესაც 3 არაშრომაუწარიანი წევრია—20%-ით, როდესაც 4 არაშრომაუწარიანი წევრია—30%-ით და როდესაც 5 და მეტი არაშრომაუწარიანი წევრია—40%-ით.

5. 1933 წელს სასოფლო-სამეურნეო გადასახადისაგან განთავისუფლებულ ერთპიროვნულ მეურნეობებს და კულაკურ მეურნეობებს მე-3 მუხლში აღნიშნული გამოსაღების განაკვეთები შეეფარდებათ მთლად საქართველოს სსრ ტერიტორიაზე უცვლელად.

6. საქართველოს სსრ შედგენილობაში შემავალი ავტონომიური რესპუბლიკებისა და ავტონომიური ოლქის ცენტრალური აღმასრულებელი კომიტეტები აწესებენ საშუალო განაკვეთებს ამ რესპუბლიკებსა და ოლქში შემავალი რაიონებისათვის.

7. სარაიონო აღმასრულებელი კომიტეტები, მე-3 მუხლით დადგენილ ვადებში, აწესებენ გამოსაღების საბოლოო განაკვეთებს ცალკეული სოფლებისათვის, ხოლო ამა თუ იმ შემთხვევაში—ცალკეული კოლექტიური მეურნეობებისათვისაც. ეს განაკვეთები თანაბარი უნდა იყოს უწყებელი სოფლის ან უწყებელი კოლექტიური მეურნეობის ყველა მეურნეობისათვის.

8. თვითეულ რაიონსა და სასოფლო საბჭოში ან თვითეულ სოფელში განაკვეთების დადგენის დროს უცვლელად უნდა დარჩეს მეურნეობათა თვითეული ცალკე კატეგორიისათვის გამოსაღების საერთო თანხა, იმ საშუალო განაკვეთების მიხედვით განსაზღვრული, რაც დადგენილია რესპუბლიკებისათვის, ოლქისათვის და რაიონისათვის.

9. ის კოლმეურნენი და მშრომელი ერთპიროვნული მეურნენი, რომელთაც აქვთ არასამიწათმოქმედო შემოსავალი, რაც 1933 წელს დაბეგრილი ან დასაბეგრი იყო სასოფლო-სამეურნეო გადასახადით, არ დაიბეგრებიან ცალკეულად კულტურული გამოსაღებით ამ შემოსავლისათვის.

10. მშრომელი ერთპიროვნული მეურნის მეურნეობა, რომელიც შევიდა კოლექტიურ მეურნეობაში გამოსაღების გადახდის პირველ ვადად, დაიბეგრება კოლმეურნეთა მეურნეობის თანაბრად.

გამოსაღების გადახდის უკანასკნელ ვადად კოლექტიური მეურნეობიდან გამოსული მეურნეობა დაიბეგრება როგორც ერთპიროვნული მეურნის შემოსავლის იმ წყაროების მიხედვით, რომლებითაც იგი კოლექტიურ მეურნეობაში შევიდა, და იმ წყაროების მიხედვით, რაც განსაზღვადობებული არ იყო კოლექტიურ მეურნეობაში.

11. გამოსაღებისაგან განთავისუფლდებიან კოლმეურნეთა და მშრომელ ერთპიროვნულ მეურნეთა მეურნეობანი:

ა) ზემო-სვანეთის რაიონისა;

ბ) ყველა იმ სოფლისა, რომელიც შედის დუშეთის რაიონის ბარისახოს, ბაცალიგოს, არხოტის და შატილის სასოფლო საბჭოების შედგენილობაში;

გ) თიანეთის რაიონის სოფ. ხაშალისა და ბაჩალისა.

საქართველოს სსრ შედგენილობაში შემავალი ავტონომიური რესპუბლიკებისა და ავტონომიური ოლქის ცენტრალურ აღმასრულებელ კომიტეტებს უფლება აქვთ გაანათავისუფლონ მთლად გამოსაღებით დაბეგრისაგან ცალკეული სოფლების კოლმეურნეთა და მშრომელ მეურნეთა მეურნეობანი.

12. გამოსაღებით დაბეგრისაგან განთავისუფლდებიან მთლად კოლმეურნეთა მეურნეობანი, რომლის შედგენილობაშიაც შედის:

ა) სსრ კავშირის ორდენით ან საპატიო რევოლუციონური იარაღით დაჯილდოებული პირი და აგრეთვე შრომის გმირი;

ბ) ვაღიან (მეუწყვეტელ) ან ზევადიან სამსახურში მყოფ მერიგეთა და უმცროს თავმდგომთა საკადრო შედგენილობის სამხედრო მსახური;

გ) საშუალო, უფროს და უმაღლეს თავმდგომთა შედგენილობის საკადრო ან მეშათა და გლეხთა წითელი არმიის რეზერვში მყოფი სამხედრო მსახური;





დ) გრძელვადიან შევსულებაში, სათადარიგოდ და მუშათა და გლეხთა თელი არმიის ტერიტორიალური ნაწილების ცვალებად შედგენილობაში მყოფი საშუალო, უფროს და უმაღლეს თავმდგომთა შედგენილობის პირი, რომელიც, „თავდაცვა-ავიაქიმის“ ორგანიზაციის საშტატო მომუშავეის სახით, აწარმოებს მრწომელთა სამხედრო მომზადებას;

ე) მერიგეთა და თავმდგომთა შედგენილობის სამხედრო მსახური, რომელიც ეწევა ნამდვილ სამხედრო სამსახურს ტერიტორიალური ნაწილების ცვალებად შედგენილობაში ან ჯარს-გარეშე წესით; მერიგეთა და თავმდგომთა შედგენილობის სამხედრო მსახური, რომელიც გრძელვადიან შევსულებაში იმყოფება, და მერიგეთა და თავმდგომთა შედგენილობის სამხედრო-ვალდებული (წვევამდელი და მოთარაღი) იმ ხნის განმავლობაში, რაც ისინი იმყოფებიან მუშათა და გლეხთა წითელი არმიის რიგებში მათთვის დაწესებულ შეკრებაზე გაწვევით ან ინსტრუქტორად ან შეკრების ჩასატარებლად;

ვ) განსაკუთრებული სახელმწიფოებრივი მნიშვნელობის მქონე საწარმოთა და ნაგებობათა გამხედროებული დაცვის და გამხედროებული სახანძარო დაცვის სამწყობრო და საადმინისტრაციო-სამეურნეო შედგენილობის პირი; მუშათა და გლეხთა მილიციის ოპერატიულ სამწყობრო და საადმინისტრაციო-სამეურნეო შედგენილობის პირი და აგრეთვე შრომა-გასწორების დაწესებულებათა ოპერატიული და საადმინისტრაციო-სამეურნეო შედგენილობის პირი;

ზ) ყოფილი წითელგვარდიელი და წითელი პარტიზანი;  
თ) ომისა და წრომის ინვალიდი, რომელიც მიკუთვნებულია ინვალიდობის პირველი, მეორე და მესამე ჯგუფისათვის.

13. მშრომელ ერთპიროვნულ მეურნეთა მეურნეობებს, რომელთა შედგენილობაშიაც შედიან სამხედრო მსახურნი და სხვა, მე-12 მუხლში ჩამოთვლილი, პირნი, აქვთ შემდეგი შეღავათები:

ა) მეურნეობა მთლად განთავისუფლდება გამოსაღებისაგან, უკეთუ იგი 1933 წელს განთავისუფლებული იყო სასოფლო-სამეურნეო გადასახადისაგან;

ბ) სხვა შემთხვევაში მეურნეობას უმცირდება გამოსაღები გამოანგარიშებული განაკვეთის 20 %-ის დაკლებით, ხოლო უკეთუ მეურნეობაში არ იმყოფება, მე-12 მუხლში ჩამოთვლილთა გარდა, სხვა შრომამუხარიანი წევრი, — 40 %-ის დაკლებით.

14. სასოფლო საბჭოს შეუძლია განთავისუფლოს გამოსაღებით დაბეგვრისაგან მთლად ან ნაწილობრივ კოლმეურნეთა და მშრომელ ერთპიროვნულ მეურნეთა ცალკეული მცირეძალოვანი მეურნეობანი. ამასთანავე, განსაკუთრებული ყურადღება უნდა მიექცეს 1933 წელს სასოფლო-სამეურნეო გადასახადისაგან განთავისუფლებულ კოლმეურნეთა მეურნეობებს.

15. დაწესებულ იქნეს კოლმეურნეთა და მშრომელ ერთპიროვნულ მეურნეთა მეურნეობებისათვის გამოსაღების გადახდის შემდეგი უადები:

აფხაზეთის ავტ. სსრ-სა, აჭარისტანის ავტ. სსრ-სა და სამხრეთ-ოსეთის ავტონომიური ოლქში და ახალქალაქისა, ბოგდანოვკისა, ასპინძისა, ახალციხისა



ადიგენისა, წალკისა, ბაჭყალითისა, თიანეთისა, ყაზბეგისა, ჩხოროწყისა და წალკისა ჯიბის რაიონებში:

I-ლი ვადა 1934 წ. თებერვლის 20—გამოსაღების განაკვეთის 50%  
მე-II " " მარტის 15 " " 50%.

დანარჩენ რაიონებში:

I-ლი ვადა: 1934 წ. თებერვლის 15—გამოსაღების განაკვეთის 50%  
მე-II " " მარტის 15— " " 50%.

კულაკური მეურნეობანი იხდიან გამოსაღებს სრულად 1934 წ. თებერვლის 15-თვის, და მათ არავითარი შეღავათი გამოსაღებით დაბეგრვაში არა აქვთ.

16. შემოსული კულტურული გამოსაღების მთელი 100%, ჩაირიცხება საქართველოს სსრ სახელმწიფო ბიუჯეტში; ამასთანავე, აფხაზეთის ავტ. სსრ-ისა, აჭარისტანის ავტ. სსრ-ისა და სამხრეთ-ოსეთის ავტონომიური ოლქის ტერიტორიაზე შემოსული კულტურული გამოსაღები გადაიცემა სრულიად ამ რესპუბლიკებისა და ოლქის ბიუჯეტში; ხოლო რესპუბლიკის დანარჩენ ადგილებში მთლად მიღებული კულტურული გამოსაღების 50%, გადაიცემა სათანადო ადგილობრივი საბჭოების ბიუჯეტში.

17. წინადადება მიეცეს საქართველოს სსრ შედგენილობაში შემავალი ავტონომიური რესპუბლიკების და ავტონომიური ოლქის ცენტრალურ აღმასრულებელ კომიტეტებს და სარაიონო აღმასრულებელ კომიტეტებს — დაუყოვნებლივ გაშალონ მასური მუშაობა სოფლის მშრომელთა შორის საბინაო და კულტურულ-საყოფაცხოვრებო მშენებლობის საქმიანობისათვის დადგენილი გამოსაღების კანონის განსამარტებლად და უზრუნველყონ ამ საფუძველზე გამოსაღების 100%-ით შემოსვლა კანონით დაწესებულ ვადაზე.

საქ სსრ ს.ს.კ.ს.-ის თავმჯდომარის მოადგ. ა. უფიკაშვილი.

საქ. სსრ ს.კ. ს-ის საქმეთა მმართველის მოადგ. გ. თათიშვილი.

1934 წ. თებერვლის 7.

ტფილისი.

გამოქვეყნებულია გაზ. „კომუნისტის“ 44 №-ში 1934 წ. თებერვლის 21.

## შ რ მ მ ა

### 64. დადგენილება ც.ა.კ. და ს.კ.ს.

საქართველოს სსრ შრომა-გასწორების დაწესებულებებში სამსახურის წესდების მე-19 მუხლის 1-ლი ნაწილის შეცვლის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

საქართველოს სსრ შრომა-გასწორების დაწესებულებებში სამსახურის წესდების მე-19 მუხლის 1-ლი ნაწილი (საქ. სსრ კან. კრ. 1932 წ. მე-14 №-ი, მუხ. 124) მიღებულ იქნეს შემდეგი რედაქციით:

„19. შრომა-გასწორების დაწესებულებათა ოპერატიული და საადმინისტრაციო-სამეურნეო შედგენილობის მომუშავეებს პერიოდულად მოემატებათ



ხელფასი ნამსახური წლებისათვის შემდეგი რაოდენობით: შრომა-გასწორების დაწესებულებაში სამი წლის განუწყვეტელი სამსახურისათვის—10%, ექვსი წლის სამსახურისათვის—20%, ცხრა წლის სამსახურისათვის—30% და თორმეტი წლის სამსახურისათვის—50% იმ თანამდებობის ძირითადი განაკვეთისა, რაც მომუშავეს უწყებულ მომენტში უჭირავს“.

სრ. საქ. ც. ა. კ-ის თავმჯდომარის მ. ა. თ. ულენტი.  
საქ. სსრ ს. კ. ს-ოს თავმჯდომარე გ. მგალოზლიშვილი.  
სრ. საქ. ც. ა. კ-ის მდიენის მაგ. მ. ვარამაშვილი.

1934 წ. თებერვლის 1.  
ტფილისი.

### სისხლის სამართალი

#### 65. დადგენილება ც.ა.კ. და ს.კ.ს.

სისხლის სამართლის კოდექსის 143<sup>2</sup> მუხლის შეცვლის შესახებ.

„მდარე ხარისხის პროდუქციის გამოშვებისათვის პასუხისმგებლობის შესახებ“ გამოცემული სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1933 წ. დეკემბრის 8-ის დადგენილების შესაბამისად (სსრკ კან. კრ. 1933 წ. 73 №-ი, მუხ. 442), სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სისხლის სამართლის კოდექსის 143<sup>2</sup> მუხლი (კოდექსის 1933 წლის გამოცემა) მიღებულ იქნეს შემდეგი რედაქციით:

„143<sup>2</sup>. მინდობილი საქმისადმი ტრესტის მმართველისა, საწარმოს დირექტორისა და საადმინისტრაციო-სატექნიკო პერსონალის პირის დანაშაულებრივ-დაუდევარი მოპყრობის გამო სამრეწველო საწარმოდან მდარე ხარისხის ან უკომპლექტო პროდუქციის გამოშვება გამოიწვევს თავისუფლების აღკვეთას არა ნაკლებ ხუთი წლისა.

სავაჭრო საწარმოდან მდარე ხარისხის პროდუქციის მასური ან სისტემატური გამოშვება—

თავისუფლების აღკვეთას ხუთ წლამდე ან იძულებით მუშაობას ერთ წლამდე.

სავალდებულო სტანდარტების შეუსრულებლობა—

თავისუფლების აღკვეთას ორ წლამდე ან იძულებით მუშაობას ერთ წლამდე.

სრ. საქ. ც. ა. კ-ის თავმჯდომარე ფ. მახარაძე.

საქ. სსრ ს. კ. ს-ოს თავმჯდომარის მოადგ. ა. უოუიკაშვილი.

სრ. საქ. ც. ა. კ-ის მდივანი თ. ულენტი.

1934 წ. თებერვლის 22.  
ტფილისი.

გამოქვეყნებულია გაზ. „კომუნისტის“ 63 №-ში 1934 წ. მარტის 16.

გ ა ნ რ ი ზ ე ბ ა

საქართველოს  
საბჭოთაო  
საგარეო  
აღმოსავლური  
კავშირების  
საქართველოს  
სსრ მუშათა და  
გლეხთა მთავრობის

საქართველოს სსრ მუშათა და გლეხთა მთავრობის  
კანონთა და განაკრებულბათა კრებულის


უფასოდ დაგზავნიხათვის 1934 წელს

№№  
რიგზე

დაწიხებულბანი

ცალები  
რიცხვი

1	ავტონომიური რესპუბლიკების და ავტონომიური ოლქის ცენტრალურ აღმასრულებელ კომიტეტებს . . . . .	5
2	სარაიონო აღმასრულებელ კომიტეტებს და საქალაქო საბჭოებს . . . . .	2
3	სასოფლო საბჭოებს . . . . .	1
4	საქართველოს სსრ სახალხო კომისარიატებს და მათ თანამართლებელ ცენტრალურ სამმართველოებს . . . . .	3
5	საქართველოს სსრ იუსტიციის სახალხო კომისარიატს . . . . .	3
6	ავტონომიური რესპუბლიკების და ავტონომიური ოლქის სახალხო კომისარიატებს და ცენტრალურ სამმართველოებს . . . . .	2
7	ავტონომიური რესპუბლიკების და ავტონომიური ოლქის იუსტიციის ცენტრალურ ორგანოებს . . . . .	3
8	საქართველოს სსრ უზენაეს სასამართლოს . . . . .	12
9	ავტონომიური რესპუბლიკების და ავტონომიური ოლქის უმაღლეს და მთავარ სასამართლოებს . . . . .	5
10	სახალხო სასამართლოებს . . . . .	1
11	სარაიონო პროკურორებს . . . . .	1
12	სახალხო გამომძიებლებს . . . . .	1



ფასი 60 კაპ.

გამომცემელი საქ. სსრ ს.კ. ს-ის საქმეთა მმართველობა 1934 წ. № 9. პ/მ რედაქტორი მ. გამრეკელი

ქალაქის ფორმატი 62X94 სანტ.; 2 1/2 ბეჭდვ ფურც.; 1 ბეჭდვ. ფურც. 48.500 სტამბ. ნიშანი გადაეცა სტამბას 16/III. ხელმოწერილია დასაბეჭდად 5/V. ტირაჟი 1.600.

მთავლიტი ს.—№ 16. საქ. სსრ სახალხო კომისართა საბჭოს სტამბა. შეგვ. № 474.